

四庫全書

史部

欽定四庫全書

史部

通典卷一百四十一

詳校官侍郎_臣李封

編修_臣程嘉謨覆勘

覆校官助教_臣吳省蘭

校對官助教_臣蔡鎮

謄錄貢生_臣趙士鶴

欽定四庫全書

通典卷一百四十一

唐 京兆杜佑 君卿纂

樂

夫音生於人心心慘則音哀心舒則音和然人心復因
音之哀和亦感而舒慘則韓娥曼聲哀哭一里愁悲曼
聲長歌衆皆喜忭斯之謂矣是故哀樂喜怒敬愛六者
隨物感動播於形氣叶律呂諧五聲舞也者詠歌不足

故手舞之足蹈之動其容象其事而謂之爲樂樂也者
聖人之所樂可以善人心焉所以古者天子諸侯卿大
夫無故不徹樂士無故不去琴瑟以平其心以暢其志
則和氣不散邪氣不干此古先哲后立樂之方也周衰
政失鄭衛是興秦漢以還古樂淪缺代之所存韶武而
已下不聞振鐸上不達謳謠俱更其名示不相襲知音
復寡罕能制作而況古雅莫尚胡樂荐臻其聲怨思其
狀促遽方之鄭衛又何遠乎爰自永嘉戎羯迭亂事有

先兆其在於茲聖唐貞觀初作破陳樂舞有發揚蹈厲

之容

象其威武也

歌有麤和嘽發之音

麤謂初用干戈平戎戎既平子愛百姓有

和樂之心嘽謂樂心發謂喜心言天下既安功成而喜樂也嘽音昌善反

表興王之盛烈何

讓周之文武豈近古相習所能關思哉而人間胡戎之樂久習未革古者因樂以著教其感人深乃移風俗將欲閑其邪正其類唯樂而已矣

第一歷代沿革上

第二歷代沿革下

第三十二律 五聲八音名義 五聲十二律旋
相爲宮 五聲十二律相生法

歷代製造

第四權量

金一 石二 土三 草四 絲五 木六
匏七 竹八 八音之外又有三

樂懸

第五歌 雜歌曲 舞 雜舞曲

第六清樂 坐立部伎 四方樂 散樂 前代

雜樂

第七郊廟宮懸備舞議 郊廟不奏樂廟諸室別

舞議 祭日不宜徧舞六代樂議 舞佾議

宗廟迎送神樂議 散齋不廢樂議

臨軒拜三公奏樂議 三朝行禮樂失制議

三朝上壽有樂議 三朝不宜奏登歌議

徹食宜有樂議 巴渝舞雜武舞議

皇后樂議 東宮宴會奏金石軒懸及女樂

等議 皇帝幸東宮鼓吹作議

國哀廢樂議 過密不設懸議 大喪而弟

嗣位未三年廢樂議 大喪在寇梓宮未返

廢樂議 皇后崩服未終廢樂議 太后父

喪廢樂議 皇后母喪廢樂議 公主喪廢

樂議 太子所生喪廢樂議 大臣喪廢樂

議 忌月不廢樂議

樂一

歷代沿革上

伏羲

神農

黃帝

少皞

顓頊

帝嚳

唐

虞

夏

商

周

秦

漢

後漢

魏

晉

宋

伏羲樂曰扶來亦曰立本○神農樂名扶持亦曰下謀

見帝系譜及孝經緯又按隋樂志曰伏羲有網罟之詠伊耆有葦籥之音葛天八閔神農五絃事與功偕其來

尚矣○黃帝作咸池

咸皆也池施也言德之無不施也堯增修而用之周禮曰大咸按大司樂

以樂舞教國子舞雲門大卷鄭注云雲門大卷黃帝能成名萬物以明民共財言其德如雲之所出民得以有族類而樂記曰咸池備矣鄭注云咸池黃帝所作樂名也堯增修而用之兩注不同賈公彥曰周公以堯時所

存黃帝咸池爲堯樂名則更爲黃帝樂
立名曰雲門雲門之與大卷爲一名也
○少皞作大淵

見皇甫謐
帝王代記
○顓頊作六莖
莖根也謂澤及下也
○帝嚳

作五英
英謂華茂也又樂
○堯作大章
章明也言堯
德章明也

舜作大韶
韶繼也言舜能繼堯
書曰夔命汝典樂教胄

子
胄長也謂元子以下至公卿大夫子弟以歌
詩誦之舞之教長國子中和祇庸孝友也
聲依永

律和聲
聲謂五聲宮商角徵羽律謂六律六呂
十二月之音氣言當依聲律以和樂也
八音克

諧無相奪倫神人以和
則神人咸和命夔使勉之
奪

曰於予擊石拊石百獸率舞
石磬也音之清者拊亦擊
也舉清者和則餘皆從矣

樂感百獸使相率而舞則
神人和可知也於音鳥

○禹作大夏

夏大也言禹能大克舜之德禹

命登扶氏爲承夏之樂有鐘鼓磬鐸靴鐘所以記有德
推鼓所以謀有道擊磬所以待有憂搖靴所以察有說
理天下以五聲
○湯作大濩湯以寬理人而除邪惡其
爲銘於箕籥德能使天下得其所言盡

護救於人也

紂棄先祖之樂廼作淫聲書曰作奇伎淫巧以

悅婦人

言紂廢至尊之敬營卑褻之事
作過制伎巧以資耳目之娛

○周武王作大

武

武以武功
定天下也
周公作勺

勺言勺先祖之道
勺讀曰酌勺取也

又有房中之

樂歌以后妃之德春官大司樂以樂舞教國子

公卿大夫之子

弟舞雲門大卷大咸大韶大夏大濩大武

此周所存六代之樂黃帝

曰雲門大卷黃帝能成名萬物以明民共財言其德如雲之所出人得以有族類也卷音其爰反以六

律六呂五聲八音六舞大合樂以致鬼神祇以和邦國

以諧萬民以安賓客以說遠人以作動物

六律合陽聲者六呂合陰

聲者此十二者以銅爲管轉而相生黃鍾爲首律長九寸各因而三之上生者三分益一分下生者三分去一
分焉國語曰律所以立均出度也古者替考中聲而量之度律均鍾言以中聲定律以律立鍾之均也大合樂者謂徧作六代之樂也以冬至作之致天神人鬼以夏日至作之致地祇物魅動物羽羸之屬虞書云夔曰夏擊鳴球搏拊琴瑟以詠祖考來格虞賓在位羣后德讓下管鼗鼓合止祝敔笙鏞以間鳥獸蹌蹌蕭韶九成鳳凰來儀夔又曰於予擊石拊石百獸率舞庶尹允諧此其於宗廟九奏而應之
乃分樂而序

之以祭以饗以祀

分謂各用一代之樂

乃奏黃鍾歌大呂舞雲門

以祀天神

以黃鍾之鍾大呂之聲爲之均也黃鍾陽聲之首大呂爲之合奏之以祀天神尊之也天

神五帝及日月星辰王者又各以夏正月祀其所受命之帝於南郊尊之孝經說曰王者祭天於南郊就陽位

是也

乃奏太簇歌應鍾舞咸池以祭地祇

太簇陽聲第二者應鍾爲之合

咸池大咸地祇所祭於北郊謂神州之神及社稷

乃奏姑洗歌南呂舞大韶以

祀四望

姑洗陽聲第三者南呂爲之合四望五嶽四鎮四瀆此言祀者司中司命風師雨師或亦用此

樂

乃奏蕤賓歌函鍾舞大夏以祭山川

蕤賓陽聲次四者函鍾爲之合

函鍾亦名林鍾函戶南反

乃奏夷則歌小呂舞大濩以享先妣

夷則陽聲

次五小呂一名中呂先妣姜嫄履大人迹感神靈而生
后稷是周之先母周立廟自后稷為始祖而姜嫄無所
配是以特立廟而祭之謂之閼宮乃奏無射歌夾鍾舞大武以享先祖

無射陽聲之下者夾鍾為之合夾王出入則令奏王夏
鍾一名圜鍾先祖謂先公先王也

尸出入則令奏肆夏牲出入則令奏昭夏
三夏皆樂章名凡日

月蝕四鎮五嶽崩大傀異災諸侯薨令去樂
四鎮山之重大者謂

揚州會稽青州之沂幽州之醫無閭冀州之霍山五嶽
岱在兖州衡在荊州嵩在荊河州華在雍州恒在并州
傀猶怪也傀音鬼大怪之異災謂天地之奇變若星辰
飛實及地震裂為害者去樂藏之春秋傳曰壬午猶繹
萬人去籥萬言入則大札大凶大災大臣死凡國之大
去者不入藏之可知

憂令弛懸

札疫癘也凶凶年也災水火也弛釋下之若今休兵鼓之爲

凡建國禁其

淫聲過聲凶聲慢聲

淫聲若鄭衛者過聲失哀樂之節凶聲亡國之音若桑間濮上慢聲

謂侮慢不恭

夫樂本情性浹肌膚而藏骨髓雖經乎千載其

遺風餘烈尚猶不絕春秋時陳公子完奔齊

完陳厲公子則敬仲

也莊二十二年遇難奔齊

陳舜之後韶樂在焉故孔子適齊聞韶三

月不知肉味曰不圖爲樂之至於斯美之甚也周道始

衰怨刺之詩起王澤竭而不作樂官師替抱其器而奔

散於諸侯益壞缺矣○秦始皇平天下六代廟樂惟韶

武存焉二十六年改周大武曰五行房中曰壽人衣服

同五行樂之色○漢興樂家有制氏魯人善樂以雅樂聲律

世世在太樂官但能紀其鏗鏘鼓舞而不能言其義鏘鏘

金石之聲高祖時叔孫通因秦樂人制宗廟樂太祝迎神於

廟門奏嘉至嘉善也善神之至猶古降神之樂也皇帝入廟門

奏永至以爲行步之節猶古采薺肆夏也薺才私反乾豆上

奏登歌乾豆脯羞之屬獨上歌不以管絃亂人聲欲在位者徧

聞之猶古清廟之歌也登歌再終下奏休成之樂美神

明既饗也

休成樂叔孫通所奏作

皇帝就酒東廂坐定奏永安之

樂美禮已成也又有房中祠樂高帝唐山夫人所作也

高帝姬唐山姓也

周有房中樂至秦名曰壽人凡樂樂其所生

禮不忘本高祖樂楚聲故房中樂楚聲也孝惠二年使

樂府令夏侯寬備其簫管更名曰安世樂高廟奏武德

文始五行之舞孝文廟奏昭德文始四時五行之舞孝

武廟奏盛德文始四時五行之舞武德舞者高帝四年

作以象天下樂已行武以除亂也文始舞者曰本舜韶

舞也高祖六年更名曰文始以示不相襲也而五行仍

舊四時舞者孝文所作以示天下之安和也蓋樂已所

自作明有制也

言自制作也

樂先王之樂明有法也

遵前代之法

孝景采武德舞以爲昭德以尊太宗廟

文帝

至孝宣采

昭德舞爲盛德以尊世宗廟

武帝

諸帝廟皆常奏文始四

時五行舞云高祖六年又作昭容樂禮容樂昭容者猶

古之昭夏也主出武德舞

言昭容樂生於武德舞

禮容者主出文

始五行舞舞入無樂者將至至尊之前不敢以樂也出

用樂者言舞不失節能以樂終也大抵皆因秦舊事焉

抵歸也初高祖既定天下過沛與故人父老相樂醉酒歡

哀作風起之詩令沛中僮兒百二十人習而歌之至孝

惠時以沛宮爲原廟

原重也言已有正廟更重立之

皆令歌兒習吹以

相和常以百二十人爲員文景之間禮官肄業而已

肄音

弋二反習也

至武帝乃立樂府

始置之也樂府之名蓋起於此哀帝時罷之

采詩

夜誦

采詩佚古道人行路采取百姓謳謠以知政教得失也夜誦者言辭或秘不可宜露故於夜中歌誦

也有趙代秦楚之謳以李延年爲協律都尉多舉司馬

相如等數十人造爲詩賦畧論律呂以合八音之調作

十九章之歌以止月上辛用事甘泉圓丘

用上辛依周禮郊天日也

辛取齊戒自新之義

使童男女七十人俱歌昏祠至明然未有本

於祖宗之事八音調均又不協於鍾律而內有掖庭才

人外有上林樂府皆以鄭聲施於朝廷昔殷周之雅頌

上本有娥

音蒿

姜嫄禹稷始生玄王公劉古公太伯王季

姜女

亶甫之妃也

太任太姒之德乃及成湯文武受命武丁

成康宣王中興下及輔佐阿衡周召太公申伯召虎仲

山甫之屬君臣男女有功德者靡不褒揚功德既信美
矣褒揚之聲盈乎天地之間是以光名著於當世遺譽
垂於無窮漢之樂有異於此故無得而稱焉是時河間
獻王有雅才亦以爲治道非禮樂不成與毛生等共采
周官及諸子言樂事者以著樂記因獻所集雅樂天子
下太樂官常存隸之歲時以備數然不常御至成帝時
謁者常山王禹世受河間樂能說其義其弟子宋晞等
上書言之下大夫博士平當等考試當以爲河間王所

獻雅樂立太樂春秋鄉射於學官希闊不講故自公卿大夫觀聽者但聞鏗鏘不曉其意而欲風諭衆庶其道無由

風化也

是以行之百有餘年德化至今未成宜風示

海內事下公卿以爲久遠難分明當議復寢是時鄭聲

尤甚黃門名倡丙強景武之屬富顯於世貴戚五侯定

陵富平外戚之家

五侯王鳳以下定陵淳于長也富平張放

淫侈過度至與

人主爭女樂哀帝自爲定陶王時疾之又性不好音及即位下詔曰惟世俗奢泰文巧而鄭衛之聲興夫奢泰

則下不遜而國貧文巧則趨末背本者衆鄭衛之聲興
則淫僻之化流而欲黎庶敦朴家給猶濁其源而求其
清流豈不難哉孔子不云乎放鄭聲鄭聲淫其罷樂府
官郊祭樂及古兵法武樂在經非鄭衛之樂者條奏別
屬他官丞相孔光大司馬何武奏樂人員大凡八百二
十九人其三百八十八人不可罷可領屬大樂其四百
四十一人不應經法或鄭衛之聲皆可罷奏可然百姓
漸漬日久又不制雅樂有以相變豪富吏民沈湎自若

陵夷壞於王莽也○後漢光武平隴蜀增廣郊祀高帝
配食樂奏青陽朱明西皓玄冥雲翹育命之舞北郊及
祀明堂並奏樂如南郊迎時氣五郊春歌青陽夏歌朱
明並舞雲翹之舞秋歌西皓冬歌玄冥並舞育命之舞
季夏歌朱明兼舞二舞明帝永平三年東平王蒼總定
公卿之議曰宗廟宜各奏樂不應相襲所以明功德也
遂采文始五行武德爲大武之舞薦之光武之廟時樂
四品一曰大予樂郊廟上陵之所用焉二曰雅頌樂辟

雍鄉射之所用焉三曰黃門鼓吹樂天子宴羣臣之所
用也四曰短簫鉦歌樂軍中之所用也又采百官詩頌
以爲登歌章帝元和元年籍田玄武司馬班固奏籍田
歌辭用商頌載芟祠先農自東京大亂絕無金石之樂
樂章亡缺不可復知○魏武帝平荊州獲杜夔善八音
常爲漢雅樂郎尤悉樂事於是使創定雅樂時又有散
騎郎鄧靜尹商善調雅樂歌師尹胡能歌宗廟郊祀之
曲舞師馮肅能曉知先代諸舞夔悉領之遠考經籍近

采故事考會古樂始設軒懸鍾磬復先代古樂自夔始也而柴玉左延年之徒妙善鄭聲被寵唯夔好古存正文帝受禪後改漢巴渝舞曰昭武舞改安世樂曰正世樂嘉至樂曰迎靈樂武德樂曰武頌樂昭容樂曰昭業樂雲翹舞曰鳳翔舞育命舞曰靈應舞武德舞曰舜頌舞文始舞曰大韶舞五行舞曰大武舞其衆歌詩多則前代之舊使王粲改作登歌安世及巴渝詩而已明帝太和初詔曰凡音樂以舞爲主自黃帝雲門以下至於

周大武皆太廟舞名也然則其所司之官皆曰太樂所以總領諸物不可以一物爲名樂官自如故爲太樂太樂漢舊名後漢依讖改爲大予樂官至是改復舊於是公卿奏今請太祖武皇帝樂宜曰武始之舞武神武也武又跡也言神武之始又王跡所起也高祖文皇帝宜曰咸熙之舞咸皆也熙興也言應受命之運天下由之皆興也夫歌以詠德舞以象事於文文武爲斌臣等謹製樂舞名章斌之舞

所以章明聖德

今有事於天地宗廟則此

三舞宜竝以薦享及臨朝大享竝宜舞之臣等思惟二
舞宜有總名可名大鈞之樂均平也言大魏三代同功
以至崇平也又奏祀圓丘以下武始舞者平冕黑介幘
元衣裳白領袖中衣絳合幅袴絳黑韋鞬咸熙舞者冠
委白其餘服如前章斌舞者與武始咸熙同服奏於朝
廷則武始舞者冠赤介幘生絳袍單衣絳領袖中衣絳
合幅袴白布絳黑韋鞬咸熙舞者進賢冠黑介幘生黃
袍單衣白合幅袴此三舞者皆執羽籥其餘服如前

自茲

以降文武二舞冠
服並同不復重出

侍中繆襲又奏安世歌本漢時歌名

今詩非往歌之文則宜變改安世樂猶同房中之樂也
往昔議者以房中歌后妃之德以風天下正夫婦焉宜
改安世之名而爲正始之樂襲又省安世歌詩有后妃
之義方今享先祖恐失禮意可改安世歌曰享神歌奏
可文帝已改安世爲正始而襲至是又改爲享神王肅
議高皇至高祖文昭廟皆宜兼用先代及武始大鈞之
舞按漢時有短簫鐃歌之樂其曲有朱鷺思悲翁艾如

張上之回雍離戰城南巫山高上陵將進酒君馬黃芳
樹有所思雉子斑聖人出上雅臨高臺遠如期石留務
成玄雲黃雀釣竿等曲列於鼓吹多序戰陣之事及魏
受命改其十二曲使繆襲爲詞述以功德言代漢之意
是時吳亦使韋昭制吹鏡部十二曲以述堅權功德○晉武帝初郊廟明堂禮樂

權用魏儀蓋遵周室肇稱殷禮之義但改樂章而使傅
玄爲之詞又令荀勗張華夏侯湛成公綏等各造郊廟
諸樂歌詞九年荀勗以杜夔所製律呂校太樂總章鼓

吹八音與律呂乖錯依古尺作新律呂以調聲韻律成

遂頒下太常使太樂總章鼓吹清商施用

隋平陳獲宋齊舊樂詔於

太常置清商署以管之蓋採此爲名求得陳太樂令蔡子元干普明等復居其職

荀勗遂典知

樂事啓朝士解音者共掌之使郭夏宋識等造正德大

悅二舞其樂章亦張華所作又改魏昭武舞曰宣武舞

羽籥舞

魏武始咸熙章斌三舞皆執羽籥

曰宣文舞傳玄又作先農先

蠶歌詩咸寧元年詔定祖宗之號而廟樂同用正德大

悅之舞自武帝受禪命傅元改漢鼓吹饒歌還爲二十

二曲述以功德代魏鼓角橫吹曲按周禮以鼗鼓鼓軍
事說者云蚩尤氏帥魍魎與黃帝戰於涿鹿帝乃命吹
角爲龍吟以禦之其後魏武王北征烏丸越沙漠而軍
士多思於是減爲半鳴而尤更悲矣胡角者本以應胡
笳之聲後漸用之橫吹有雙角卽胡樂也張騫入西域
傳其法於西京唯得摩訶兜勒一曲李延年因胡曲更
造新聲二十八解乘輿以爲武樂後漢以給邊將和帝
時萬人將軍得之魏晉以來二十八解不復具存用者

有黃鶴隴頭出關入關出塞入塞折楊柳黃覃子赤之
楊望行人十曲懷帝永嘉之末伶官樂器皆沒於劉石
至江左初立宗廟尚書下太常祭祀所用樂名太常賀
循答云魏氏增損漢樂以爲一代之禮未審大晉樂名
所以爲異遭離喪亂舊典不存然此諸樂皆和之以鍾
律文之以五聲詠之以歌詞陳之於舞列宮懸在庭琴
瑟在堂八音迭奏雅樂並作登歌下管各有常詠周人
之舊也自漢以來依於此禮自造新詩而已舊京荒廢

今既散亡音韻曲折又無識者

張華表曰漢氏所用文句長短不齊蓋以歌詠

絃節本有循而識樂知音足以制聲度曲二代三京襲而不變

則於今難以意言於時

以無雅樂器及伶人省大樂并鼓吹令是後頗得登歌
食舉之樂猶有未備明帝大寧末又詔阮孚等損益之
成帝咸和中乃復置大樂官以戴綬爲令鳩集遺逸而
尚未有金石也初荀勗既以新律造二舞又更修正鐘
磬未竟而勗薨惠帝元康三年詔其子黃門郎蕃修定
金石以施郊廟尋遇喪亂遺聲舊制莫有記者庾亮爲

荊州與謝尚共爲朝廷修復雅樂亮尋薨庾翼桓溫等
事軍旅樂器在庫遂至朽壞焉及慕容儁平冉閔兵戈
之際而鄴下樂人頗有來者謝尚時鎮壽陽於是採拾
樂人以備太樂并製石磬雅樂始頗具而王猛平鄴慕
容氏所得樂聲又入關右孝武太元中破苻堅復其樂
工楊勗等閑習舊樂於是四廂金石始備焉乃使曹毗
王珣等增造宗廟歌詩然郊祀遂不設樂○宋武帝永
初元年有司奏皇廟肇建廟祀應設雅樂乃晉樂也太

常鄭鮮之等各撰立新歌黃門侍郎王韶之撰歌辭七首並令施用十二月又奏依舊止朝設樂改太樂諸歌辭時王韶之又撰二十二章改正德舞曰前舞大悅舞曰後舞文帝元嘉九年太樂令鍾宗之更調金石至十四年治書令史奚縱又改之二十年南郊始設登歌詔顏延之造歌詩廟舞猶闕孝武孝建元年有司奏前殿中曹郎荀萬秋議郊廟宜設樂於是使內外博議竟陵王誕等並同萬秋議建平王宏議以凱容爲韶舞宣烈

爲武舞祖宗廟樂總以德爲名章皇太后廟奏文樂永
至等樂仍舊皇帝祠南郊及廟迎神送神並奏肆夏皇
帝入廟門奏永至皇帝南郊初登壇及廟門中詣東壁
奏登歌其初獻奏凱容宜烈之舞終獻奏永安之樂郊
廟同孝武又使謝莊造郊廟舞樂明堂諸樂歌辭二年
有司又奏先郊廟舞樂皇帝親奉初登壇及入廟詣東
壁並奏登歌不及三公行事左僕射建平王宏重議公
卿行事亦宜奏登歌有司又奏元會及二廟齋祠登歌

依舊並於殿庭設作廟祠依新儀注登歌人上殿絃管
住下今元會登歌人亦上殿歌絃管住下按廢帝元徽
五年太樂雅鄭共千餘人後堂雜伎不在其數

梁裴子野宋畧

曰先王作樂崇德以格神人通天下之至和節羣生之
流放天子之於士庶未曾去其樂而無非僻之心也及
周道衰微音失其序亂代先之以忿怒亡國從之以哀
思優雜子女蕩目淫心充庭廣奏則以魚龍靡慢爲環
瑋會同饗覲則以吳趨楚舞爲妖妍纖羅霧縠侈其衣
疎金鏤玉砥其器在上班賜寵臣羣下從風而靡王侯將
相歌伎填室鴻商富賈舞女成羣競相誇大互有爭奪
如恐不及莫爲禁令傷風敗俗莫不在此優音又收反

通典卷一百四十一

欽定四庫全書

通典卷一百四十二

唐京兆杜佑君卿纂

樂二

歷代沿革下

齊

後周

梁

陳

後魏

北齊

齊武帝建元二年有司奏郊廟雅樂歌辭舊使學士博士撰搜簡採用參議太廟登歌宜用司徒褚彥回之辭餘悉用黃門郎謝超宗辭超宗所撰多刪顏延之謝莊

辭以為新曲其太廟二室及郊配辭並尚書令王儉所作其祀南郊羣臣出入奏肅咸之樂牲出入奏引牲之樂薦籩豆呈毛血奏嘉薦之樂迎送神奏昭夏之樂皇帝入壇東門奏永至之樂升壇奏登歌初獻奏文德宣烈之樂次奏武德宣烈之樂太祖高皇帝配享奏高德宣烈之樂飲福酒奏嘉胙之樂就燎位奏昭遠之樂還便殿奏休和之樂還北郊初獻奏地德凱容之樂次奏昭德凱容之樂瘞埋奏隸幽之樂餘樂並與南郊同明

堂初獻奏凱容宣烈之樂賓出入及餘樂與南北郊同
祠廟皇帝入廟門奏永至之樂太祝裸地奏登歌諸皇
祖各奏凱容帝還東壁上福酒奏永祚送神奏肆夏其
羣臣出入牲出入薦毛血迎神詣便殿並與兩郊明堂
同太祖神室奏高德宣烈之樂穆后神室奏穆德凱容
之樂高宗神室奏明和凱容之樂四年籍田詔驍騎將
軍江淹造籍田歌二章六年制位未登黃門郎不得畜
女妓

黃門班
在五品

明帝建武二年雩祭明堂用謝朓造辭○

梁武帝思弘古樂天監元年下詔求學術通明者皆陳
所見時對樂者七十八家咸言樂之宜改不言改樂之
法帝素善音律遂自制四器名之為通以定雅樂莫不
知韻

語在制
造篇中

初齊永明中舞人所冠幘並簪筆武帝曰

筆笏蓋以記事受言舞不受言何事簪筆豈有身服朝
衣而足綦譙履

綦音
忌

於是去筆乃定郊禋宗廟及三朝

之雅樂以武舞為大壯舞取易云大壯者也正大而天
地之情可見也以文舞為大觀舞取大觀在上觀天之

神道而四時不忒也國樂以雅為稱取詩序云言天下之事形四方之風謂之雅雅者正也止乎十二則天數也乃去階步之樂增徹食之雅焉皇帝出入宋孝武孝建二年起居注奏永至齊及梁初亦同至是改為皇雅取詩皇矣上帝臨下有赫也二郊太廟同用皇太子出入奏肅雅取詩君子萬年永錫爾脣王公出入奏寅雅取尚書周官貳公弘化寅亮天工也上壽酒奏介雅取詩君子萬年介爾景福也食舉奏需雅取易雲上於天

需君子以飲食宴樂也徹饌奏雍雅取禮記大饗客出以雍徹也竝三朝用之牲出入宋廢帝元徽二年儀注奏引牲齊及梁初亦同至是改為滌雅取禮記帝牛必在滌三月也薦毛血宋元徽三年儀注奏嘉薦至是為牲雅取左氏傳牲牷肥腍北郊明堂太廟竝同用降神及迎送宋元徽三年儀注奏昭夏齊及梁初亦同至是改為誠雅取尚書至誠感神皇帝飲福酒宋元徽三年儀注奏嘉胙至齊不改梁初改為永胙至是改為獻雅

取禮記祭統尸飲五洗玉爵獻卿今之福酒亦古獻之
義也北郊明堂太廟同用就燎位宋元徽三年儀注奏
昭遠及齊不改就埋位齊永明六年儀注奏隸幽至是
燎埋俱奏禋雅取周禮大宗伯以禋祀昊天上帝也衆
官出入宋元徽三年儀注奏肅成齊及梁亦同至是改
為俊雅取禮記司徒選士之秀者而升之于學曰俊士
也二郊太廟明堂三朝同用焉其辭竝沈約所製也是
時禮樂制度粲然有序鼓吹宋齊竝用漢制曲又充庭

用十六曲武帝乃去其四曲留其十二合四時也更制
新歌以述功德天監七年將有事于太廟詔曰禮云齊
日不樂今親奏始出宮振作鼓吹外可詳議八座丞郎
參議請輿駕始出鼓吹從而不作還宮如常儀帝從之
遂以定制初武帝之在雍鎮有童謠云襄陽白銅蹄反
縛揚州兒識者言白銅謂金蹄謂馬也白金色及義師
之興實以鐵騎揚州之士皆面縛果如謠言故即位之
後更造新聲帝自為之詞三曲又令沈約為三曲以被

管絃帝既篤敬佛法又制善哉大樂大勸天道仙道神王龍王滅過惡除愛水斷苦輪等十篇名為正樂皆述佛法又有法樂童子伎童子倚歌梵唄音敗設無遮大會

則為之其後臺城淪沒簡文帝受制於侯景以簡文女

漂

音栗

陽公主為妃請帝及主母范淑妃宴於西州秦梁

所常用樂景儀同索超世亦在宴筵帝潜然出涕景興曰陛下何不樂也帝强笑曰丞相言索超世聞此以為何聲景曰臣且不知何獨超世自此樂府不修風雅咸

盡矣及王僧辨破侯景諸樂竝在荊州經亂工器頗闕
元帝詔有司補綴纔備荊州陷沒周人初不知採用工
人有知音者竝入關中隨例多沒為奴婢○陳初武帝
詔求宋齊故事太常卿周弘讓奏曰齊氏承宋咸用元
徽舊式宗祀朝饗奏樂俱同唯北郊之禮頗有增益皇
帝入壇門奏永至飲福酒奏嘉胙太尉亞獻奏凱容埋
牲奏隸幽帝還便殿奏休成衆官入出竝奏肅咸此乃
元徽所闕永明六年之所加也唯送神之樂宋孝建二

年秋起居注云奏肆夏齊永明中改奏昭夏帝遂依之
是時並用梁樂唯改七室舞辭文帝天嘉元年始定圓
丘明堂及宗廟樂都官尚書到仲舉奏衆官出入皆奏
肅威牲出入奏引犧引牲薦毛血奏嘉薦迎送神奏昭
夏皇帝入壇奏永至皇帝升陛奏登歌皇帝初獻及太
尉亞獻光祿勳終獻並奏宣烈皇帝飲福酒奏嘉胙就
燎位奏昭遠還便殿奏休成宣帝太建元年定三朝之
樂採梁故事奏相和五引各隨王月祠用宋曲宴准梁

樂蓋取人神不雜也五年詔尚書左丞劉平儀曹郎張
崖定南北郊及明堂儀注改天嘉中所用齊樂盡以韶
為名工就位定協律校尉舉麾太樂令跪贊云奏懋韶
之樂降神奏通韶牲入出奏潔韶帝入壇及還便殿奏
穆韶帝初再拜舞七德工執干楯曲終復綴出就懸東
繼舞九序工執羽籥獻爵於天神及太祖之座奏登歌
帝飲福酒奏嘉韶就燎位奏報韶至六年十一月侍中
尚書左僕射徐陵議曹郎中沈罕奏來年元會儀注先

會一日太樂展宮懸高絙五案於殿庭客入奏相和五
引帝出黃門侍郎舉麾於殿上掌固應之舉於階下奏
康韶之樂詔延王公讌登奏變韶奉珪璧訖初引下殿
奏亦如之帝興入便殿奏穆韶更衣又出奏亦如之帝
舉酒奏綏韶進膳奏侑韶帝御茶果太常丞跪請進舞
七德繼之九序其鼓吹雜伎取晉宋之舊微更附益及
後主嗣位沈荒於酒視朝之外多在宴筵尤重聲樂遣
宮女習北方簫鼓謂之代北酒酣則奏之又於清樂中

造黃鸝留及玉樹後庭花金釵兩臂垂等曲與幸臣製其歌詞綺艷相高極於輕蕩男女唱和其音甚哀○後魏道武皇帝定中山獲其樂懸未遑創改因時而用之代歷分崩頗有遺失天興元年冬詔尚書吏部郎鄧彥海定律呂協音樂及追尊曾祖祖考諸帝樂用八肩舞皇始舞皇始舞道武所作也以明開大始祖之業後更製宗廟皇帝入廟門奏王夏太祝迎神於廟門奏迎神曲由古降神之樂乾豆上奏登歌由古清廟之樂曲終

下奏神祚嘉神明之饗也皇帝行禮七廟奏陞步以為
行止之節皇帝出門奏總章次奏八佾舞次奏送神曲
道武初冬至祭天于南郊圓丘樂用皇矣奏雲和之舞
事訖奏維皇將燎夏至祭地祇于北郊方澤樂用神祚
奏大武之舞正月上日饗羣臣宣布政教備列宮懸正
樂兼奏燕趙秦吳之音五方殊俗之曲四時饗會亦用
焉又有掖庭中歌真人代歌上叙祖宗開業所由下及
君臣廢興之跡凡有百五十章六年冬詔大樂總章鼓

吹增修雜伎以備百戲大饗設之於殿庭如漢晉之舊也明元帝初又增修之撰合大曲更為鐘鼓之節太武帝破赫連昌獲古雅樂及平涼州破沮渠氏得其伶人器服並擇而存之後通西域又以悅般國鼓舞設於樂署其後古樂音制罕復傳習舊工更盡聲曲多亡孝文帝太和初司樂上書陳樂章有闕求集羣官議定其事并訪吏人有能體解古樂者與之廣修器數甄立名器以諧八音詔可雖經衆議率無洞曉音律樂部不能立其事

彌有殘缺然方樂之制及四夷歌舞稍列於太樂金石
羽旄之飾為壯麗於往時矣後又詔中書監高閭令與
太樂詳採古今以備樂典歷年未精而閭卒宣武帝正
始中詔太常卿劉芳主修營樂器時揚州人張陽子義
陽人倪鳳皇陳孝孫戴當干吳殿陳文明陳成等七人
頗解雅樂正聲八佾文武二舞鐘磬管絃登歌聲調芳
皆令教習參取是非初御史中尉元匡與芳等競論鐘
律孝明帝熙平二年冬匡復上言其事太師高陽王維

等奏停之先是有陳仲儒者自江南歸國頗閑樂事請依京房立准以調八音神龜二年夏有司及蕭寶寅等奏言仲儒輒持己心輕欲製作不可依許詔曰如所奏

語在製
造篇中

正光中詔侍中安豐王延明與其門生河間信

都芳博採古今樂事芳後乃選延明所集樂說并諸器物准圖二十餘事而注之不得在樂署考正聲律也至普泰初前廢帝詔尚書長孫稚太常卿祖瑩理金石武帝永熙二年春祖瑩復議曰按周兼六代之樂聲律所

施咸有次第自減學以後禮樂散亡漢來所存二舞而已今請改韶舞為崇德武舞為章烈總名曰嘉成漢樂章云高張四懸神來讌饗宗廟所設宮懸明矣計五郊天神尊於人鬼六宮陰極體同至尊禮無減降宜皆用宮懸其舞人冠服制裁咸同舊式詔曰以成為號良無間然六代之舞皆以大為名今可准古為大成也其舞但依舊為文武而已餘如議後太樂令崔九龍言於太常卿祖瑩曰聲有七聲調有七調以今七調合之七律

起於黃鍾終於中呂今古雜曲隨調舉之將五百曲恐諸曲名後致亡失今輒條記存之於樂府瑩依而正之九龍所錄或雅或鄭至於謠俗四夷雜歌但記其聲折而已不能知其本意又名多舛謬莫識所由隨其淫正而取之樂署悉令傳習其中復有所遺至於古雅尤多亡失初孝文皇帝因討淮漢宣武定壽春收其聲伎江左所傳中原舊曲明君聖主公莫白鳩之屬及江南吳歌荆楚西聲總謂清商至於殿庭饗宴兼奏之其圓丘

方澤上辛地祇五郊四時拜廟三冬元至社稷馬射籍
田樂人之數各有差等自宣武已後始愛胡聲洎於遷
都屈茨琵琶五絃篳篥胡笛胡鼓銅鈸打沙羅胡舞鏗

鐙鐙鐙

上音湯
下音荅

洪心駭耳撫箏新靡絕麗歌音全似吟

哭聽之者無不悽愴琵琶及當路琴瑟殆絕音皆初聲
頗復閑緩度曲轉急躁按此音所由源出西域諸天諸
佛韻調婁羅胡語直置難解况復被之土木是以感其
聲者莫不奢淫躁競舉止輕颺或踊或躍乍動乍息蹻

羌嬌反 脚彈指撼頭弄目情發於中不能自止論樂豈須

鐘鼓但問風化淺深雖此胡聲足敗華俗非唯人情感
動衣服亦隨之以變長衫戇帽闊帶小鞞自號驚緊爭
入時代婦女衣髻亦尚危側不重從容俱笑寬緩蓋驚
危者勢不久安此兆先見何以能立形貌如此心亦隨
之亡國之音亦由浮競豈唯哀細獨表衰微操絃執籥
雖出瞽史易俗移風實在時政○北齊文宣初尚未改
舊章宮懸各設十二鐃鐘於其辰位四面並設編鐘編

磬各一筍簾合二十架設建鼓於四隅郊廟會同用之
其後將有創革尚樂典御祖珽上書曰魏氏來自雲朔
未移其俗至道武破慕容寶于中山獲晉樂器不知採
用皆委棄之天興初吏部郎鄧彥海奏上廟樂創製宮
懸而鐘管不備樂章既闕雜以簸邏迴歌初用八佾作
皇始之舞至太武帝平河西得沮渠蒙遜之伎賓嘉大
禮皆雜用焉此聲所興蓋苻堅之末呂光平西域得胡
戎之樂因又改變雜以秦聲所謂秦漢樂也至永熙中

錄尚書長孫承業

各雅已具後魏事中

共臣先人太常卿瑩等斟

酌繕修戎華兼採至於鐘鼓律呂與然大備自古相襲

損益可知今之創製請以為准珽因採魏安豐王延明

及信都芳等所著樂說而定正聲始具宮懸之器仍雜

西涼之曲樂名廣成而無所號所謂洛陽舊樂者也武

成之時始定四郊宗廟之樂羣臣入出奏肆夏牲入出

薦毛血並奏昭夏迎送神及皇帝初獻亞獻禮五方上

帝並奏高明之樂為覆燾之舞皇帝入壇門及升壇飲

福酒就燎位還便殿並奏皇夏以高祖配饗奏武德之樂為昭烈之舞裸地奏登歌其四時祭廟及禘祫六代五代高祖曾祖祖諸神室並奏始基之樂為恢祚之舞神武皇帝神室奏武德之樂為昭烈之舞文襄皇帝神室奏文德之樂為宣政之舞文宣皇帝神室奏文正之樂為光大之舞孝昭皇帝神室奏文明之樂為休德之舞其出入之儀同四郊之禮其時郊廟宴享之樂皆魏代故西涼伎即是晉初舊聲魏太武平涼所得也秦漢

二代是魏晉相承之樂其吳聲者是江南宋齊之伎鼓吹朱鷺等二十曲皆改古名以叙功德古文有黃雀釣竿二曲略而不用蓋議定其名被於鼓吹諸州鎮戍各給鼓吹樂人多少各以大小等級為差諸王為州皆給鼓吹赤鼓赤角皇子則增給吳鼓長鳴角上州刺史皆給青鼓青角中州刺史以下及諸鎮戍皆給黑鼓黑角樂器皆有衣並同色鼓雜樂有西涼鼙舞清樂龜茲等然吹笙彈琵琶五絃及歌舞之伎自文襄以來皆所愛

好至河清以後傳習尤盛後主唯賞胡戎樂耽愛無已
於是繁習淫聲爭新哀怨故曹妙達安未弱安馬駒之
徒至有封王開府者遂服簪纓而為伶人之事後主亦
自能度曲親執樂器悅翫無倦遂倚絃而歌別採新聲
為無愁曲音韻窈窕極於哀思使番兒閭官之輩齊唱
和之曲終樂闋莫不殞涕雖行幸道路或時馬上奏之
樂往哀來竟以亡國○後周文帝霸政平江陵大獲梁
氏樂器及建六官乃令有司詳定郊廟樂歌舞各有等

差雖著其文竟未之行也及武帝天和初造山雲舞以備六代南北郊雩壇太廟禘祫俱用六舞南郊則大夏降神大濩獻熟次作大武正德武德山雲之舞北郊則大濩降神大夏獻熟次作大武正德武德山雲之舞雩壇以大武降神正德獻熟次作大夏大濩武德山雲之舞太廟禘祫則大武降神山雲獻熟次作正德大夏大濩武德之舞時享太廟以山雲降神大夏獻熟次作武德之舞拜社以太濩降神正德獻熟次作正德之舞五

郊朝日以大夏降神大濩獻熟神州夕月籍田以正德
降神大濩獻熟建德二年十月六代樂成奏於崇信殿
宮懸依梁三十六架朝會則皇帝出入奏皇夏皇太子
出入奏肆夏王公出入奏騶夏

騶音遊

五等諸侯元日獻

玉帛奏納夏宴族人奏族夏大會至尊執爵奏登歌十
八曲食舉奏深夏舞六代大夏大濩大武正德武德山
雲之舞於是正定雅音為郊廟樂創造鍾律頗得其宜
乃以梁鼓吹熊羆十二按每元正大會列於懸間與正

樂合奏初太祖輔魏之時高昌款附及得其伎教習以備饗宴之禮六年罷掖庭四夷之樂其後帝聘皇后於突厥得其所獲康國龜茲等樂更雜以高昌之舊並於大司樂習焉採用其聲被於鐘石取周官制以陳之宣帝時改前代鼓吹朱鷺等曲製為十五曲述受魏禪及戰功之事帝每晨出夜還恒陳鼓吹嘗幸同州自應門至赤岸數十里間鼓吹俱作祈雨仲山還令京城士女於街巷奏樂以迎之公私頓弊以至於亡○隋文帝開

皇二年尚因周樂命工人齊樹提檢校樂府改換聲律
益不能通俄而沛公鄭譯奏上請更修正於是詔太常
卿牛弘國子祭酒辛彦之國子博士何妥等議正樂然
淪謬既久積年議不定帝怒曰我受天命七年樂府猶
歌前代功德命治書侍御史李諤引弘等以下將罪之
諤奏曰武王克殷至周公相成王始制禮樂斯事體大
不可速成帝意稍解九年平陳獲宋齊舊樂詔於太常
置清商署以管之求得陳太樂令蔡子元于普明等復

居其職隋代雅樂唯奏黃鍾一宮郊廟朝饗用一調迎
氣用五調舊工更盡其餘聲律皆不復通或有能為麤
賓之宮者享祀之際隸之竟無覺者弘又修皇后房內
之樂文帝龍潛時頗好音樂故嘗因倚琵琶作歌二首
名曰地厚天高託言夫妻之義因即取之為房內曲命
婦人并登歌上壽並用之職在宮內女人教習之於是
祕書監牛弘祕書丞姚察散騎常侍許善心儀同三司
劉臻內史舍人虞世基等更共詳議按周官大司樂奏

黃鐘歌大呂舞雲門以祀天神奏太簇歌應鍾舞咸池
以祭地祇奏姑洗歌南呂舞大韶以祀四望奏蕤賓歌
函鍾舞大夏以祭山川奏夷則歌小呂舞大濩以享先
妣奏無射歌夾鍾舞大武以享先祖此乃周制立二王
三恪通已為六代之樂至四時祭祀則分而用之以六
樂配十二調一代之樂則用二調矣隋去六代之樂又
無四望先妣之祭今既與古祭法有別乃以神祇位次
分樂配焉奏黃鐘歌大呂以祀圓丘

黃鐘所以宣六氣
也耀魄天神最為

尊極故奏黃鐘以祀之

奏太簇歌應鍾以祭方澤

太簇所以贊陽出滯寬崙厚載

之重故奏太簇以祀之

奏姑洗歌南呂祀五郊神州

姑洗所以修潔百物五帝

神州天地之次故奏姑洗以祀之

奏蕤賓歌林鍾以祀宗廟

蕤賓所以安靜社稷

祖宗有國之大故奏蕤賓以祀之

奏夷則歌小呂以祀社稷先農

夷則所以

詠歌九穀貴在秋成故奏夷則以祀之

奏無射歌夾鍾以祭巡狩方嶽

巡狩

所以示人軌物視秩觀風故奏無射以祀之

同用文武二舞其圓丘降神八

變宗廟禘祫降神九變皆用昭夏其餘享祀皆一變皇

帝入出奏皇夏羣官入出皆奏肆夏舉酒上壽奏需夏

迎送鬼神奏昭夏薦獻郊廟奏咸夏宴饗殿上奏登歌
并文舞武舞合為八曲古有宮商角徵羽五引梁以三
朝元會奏之今改為五音其聲悉依宮商不使差越唯
迎氣於五郊降神奏之月令所謂孟春其音角是也通
前為十三曲并內官所奏天高地厚二曲於房中奏之
合十五曲其登歌祀神宴會通行之若有大祀臨軒陳
於階壇之上若冊拜王公設宮懸不用登歌釋奠則唯
用登歌而不設懸古者人君食皆用當月之調以取時

律之聲使不失五常之性調暢四體令得時氣之和故東漢太子丞鮑鄴上言天子食飲必順四時有食舉樂所以順天地養神明可作十二月均感天地和氣此則殿庭月調之義也祭祀既已分樂迎氣臨軒朝會並用當月之律正月懸太簇之均及十二月懸大呂之均欲感人君性情允協陰陽之序也并撰歌詩三十首並令施用先是文帝遣內史侍郎李元操直內侍省盧思道等製清廟歌詞十二曲令於太樂教習以代周歌至仁

壽中煬帝為太子時從饗於太廟乃上言清廟之詞文
多浮麗不足以宣功德請更議之於是詔吏部尚書牛
弘開府儀同柳顧言祕書丞許善心內史舍人虞世基
禮部侍郎蔡徵等更詳故實制雅樂歌詞煬帝大業
元年詔修高祖廟樂雅新造高祖歌九首仍屬戎車不
遑刊正禮樂之事竟無成功而帝矜奢頗耽淫曲御史
大夫裴蘊揣知帝情奏搜周齊梁陳樂工子弟及人間
善聲調音律凡三百餘人並付大樂倡優猱雜咸來萃

止其哀管雜聲淫絃巧奏皆出鄴城之下高齊之舊曲也○大唐太宗文皇帝留心雅正勵精文教貞觀之初合考隋氏所傳南北之樂梁陳盡吳楚之聲周齊皆胡虜之音乃命太常卿祖孝孫正宮調起居郎呂才習音韻協律郎張文收考律呂平其散濫為之折衷漢以來郊祀明堂有夕牲迎神登歌等曲近代加裸地迎牲飲福酒今夕牲裸地不用樂公卿攝事又去飲福酒之樂周享神諸樂多以夏為名宋以永為名梁以雅為名後

周亦以夏為名隋氏因之今國家以和為名旋宮之樂
久喪漢章帝建初三年鮑鄴始請用之順帝陽嘉二年
復廢累代會黃鍾一均變極七音則五鍾廢而不擊反
謂之啞鐘祖孝孫始為旋宮之法造十二和樂合四十
八曲八十四調至開元中又造三和樂共十五和樂其
曰元和順和永和肅和雍和壽和太和舒和休和昭和
祇和音陵正和承和豐和宣和又制文舞武舞文舞朝廷
謂之九功舞武舞朝廷謂之七德舞樂用鍾磬柷敔晉

鼓節鼓琴瑟箏筑竿笙簫笛篪塤箎于鐃鐸撫拍春牘
謂之雅樂唯郊廟元會冬至及冊命大禮則辨其曲度
章句而分始終之次焉

夾鍾宮元

大厯十四年
國諱改焉

和一變

黃鍾角元和一變

太簇徵元和一變

姑洗羽元和一變

右四曲冬至

於圓丘大祭奏之以文舞六變降神替昭夏若祭五方
上帝日月則黃鍾宮奏元和以文舞三變降神若其送
神皆奏一變

林鍾宮順和二變 太簇角順和二變 姑洗徵順和

二變 南呂羽順和二變 右四曲夏至於皇地祇大

祭則奏之以文舞八變降神替昭夏若祭祀社稷及神
州籍田則於太簇宮奏順和以文舞三變降神若其送
神皆奏一變

黃鍾宮永和三變 大呂角永和三變 太簇徵永和

二變 應鍾羽永和二變 右四曲於宗廟大祭則奏

之以文舞九變降神替昭夏若四時小祭則於無射宮

奏永和以文武三變降神也若送神皆奏一變

無射宮永和 夷則宮永和 蕤賓宮順和 姑洗宮

順和 太簇宮順和 黃鍾宮元和 右六曲於霄壇

蜡百神各奏一變總六變以文舞降神替昭夏若送神

則於黃鍾宮奏元和一變

九德之歌

宗廟登歌則奏之替昭夏若大祭則於大呂宮奏之若四時小祭則於夾鍾宮奏之 肅

和莫玉及諸郊登歌奏大呂懸下奏太簇登歌奏應鍾

雍

和諸郊廟有司行事進俎及酌

壽和 諸郊廟皇帝親行酒讀祝文徹豆奏之替成夏

奏之替
成夏

宮音

土王日祭黃帝奏黃鍾

宮音
三變降神替舊宮音

商音

立秋日祭白
帝奏太簇商

二變降神
替舊商音

角音

立春日祭青帝奏姑洗
角二變降神替舊角音

徵音

立夏日祭
赤帝奏林

鍾徵三變降
神替舊徵音

羽音

立冬日祭黑帝奏南呂
羽三變降神替舊羽音

凱和

諸郊廟
武舞則

奏之六成
替舊武舞

太和

皇帝臨軒受朝入
出則奏之替皇夏

舒和

王公朝會入出
及諸郊送神二

舞郎入出同
奏之替肆夏

休和

皇帝食舉及羣臣上
壽則奏之替需夏

昭和

皇帝元日
上壽酒登

歌奏之替
舊登歌

採茨

皇帝乘輿
出則奏之

戒和

三公升殿會訖下
階履行則奏之

騶虞

皇帝大射
則奏之

狸首

諸侯射
則奏之

九功

殿庭朝會文舞則
奏之替舊文舞

七德

殿庭

朝會武舞則奏
之替舊武舞

正和

皇帝入宮受朝入
出則奏之替房內

承和

皇太子殿
軒懸受朝

入出奏姑洗

豐和

饗先農則奏之

宣和

孔宣父廟奏之

漢明帝養

老亦奏樂自後遂亡今郊社廟同用宮懸二舞改名易

調為異舊釋奠唯有登歌今設軒懸兩師山川竝不設

樂於是雅樂大備故天下靡然向風矣凡有事於太廟

每室酌獻各用舞焉獻祖室用光大之舞

黃鍾宮調

懿祖室

用長發之舞

黃鍾宮調

太祖室用大政之舞

太簇宮調

代祖室用

大成之舞

姑洗宮調

高祖室用大明之舞

蕤賓宮調

太宗室用崇

德之舞

黃鍾宮調

高宗室用鈞天之舞

黃鍾宮調

中宗室用文和

之舞

太簇宮調

睿宗室用景文之舞

黃鍾宮調

孝敬廟用永光之

舞諸太子廟用凱安之舞凡祀昊天上帝及五方大明

夜明之樂皆六成

夾鍾宮調三成黃鍾角調一成太簇徵調一成姑洗羽調一成共六成郊

迎氣黃帝用黃鍾宮調青帝用姑洗角調白帝用太簇商調赤帝用林鍾徵調黑帝用南呂羽調

祭皇

地祇神州社稷樂皆八成

林鍾宮調二成太簇角二成姑洗徵二成南呂羽二成

享宗廟之樂九成

黃鍾宮三成大呂角二成太簇徵三成應鍾羽一成

其餘祭祀

三成而已

皆用姑洗之均

通典卷一百四十二

欽定四庫全書

史部

通典卷一百四十三

詳校官侍郎_臣李封

編修_臣程嘉謨覆勘

覆校官助教_臣吳省蘭

校對官中書_臣施光輅

謄錄監生_臣周翥華

欽定四庫全書

通典卷一百四十三

唐京兆杜佑君卿纂

樂三

十二律

先王通於倫理以候氣之管為樂聲之均吹建子之律

以子為黃鍾

十一月之辰名子子者孳也陽氣至此更孳益而生故謂之子也律法也肆首作數

博物志曰肆首黃帝臣一說肆首算法者大撓作甲子呂氏春秋曰黃帝師大撓又博物志曰容成氏造歷黃

帝臣也夫推歷生律制器規圓矩方權衡平准度長短者不失毫釐量多少者不失圭撮權輕重者不失黍累紀於一協於十長於百大於千廣

丑為大呂

十二月之辰名丑丑

於萬故一十百千萬可得而綜也

寅為太族

正月之辰名寅寅者津也

者紐也言居終始之際故以丑為名

卯為夾鍾

二月之辰名為卯卯茂也言陽

萬物之津塗

故謂之寅

氣至此物生孳茂也故謂之卯

辰

辰為姑洗

三月之辰名辰辰者震動之義

此月物皆震動而長故謂之辰

已為中呂

之辰名已已者起也物至此

時皆長而起也故謂之已

午為蕤賓

五月之辰名午午者長也明物

皆長故

未為林鍾

六月之辰名未未者味也言時

謂之午

申為

夷則

七月之辰名申申者身也言萬

物皆身體而成就故謂之申

酉為南呂

八月之辰名酉

酉者縮縮之義此月時物戌為無射者減也言時衰減

也故謂亥為應鍾十月之辰名亥亥者効也言陽管有

六為律者謂黃鍾十一月中若天有六氣降為五味天有

六甲地有五子總十一而天地之數畢矣故以六為中

黃鍾者是六律之首故以黃鍾為名黃者土之色陽氣

動於黃泉聚養萬物萌芽將出故名黃鍾也太族太者

族者臻也言正月之時萬物之生姑洗姑之言枯洗者

隨於陽氣族地而出故謂之太族姑洗姑洗之義三月

之時物新絜洗除其枯改柯易葉謂之姑洗亦絜賓

云姑者古也洗者鮮也言萬物去古而就鮮絜賓

歲絜垂下之義賓者敬也五月陽氣夷則夷平則法也

下降陰氣始起共相賓敬謂之絜賓夷則七月之時萬

物皆成平均結實皆有法則故謂之夷則亦云夷者傷之義言秋之時萬物始被刑法而傷其性故以為名

無射

射者出也言冬時陽氣上萬物收藏不復出射厭也九月之中物皆成實而無可厭惡也又云射終

也言萬物隨陽而復又隨陽而起無有終極故以為名也此六者為陽月之管謂之

律律者法也言陽氣始生各有其法又律者帥也所以

帥導陽氣使之通達陰管有六為呂者謂大呂十二月

方生育之功其道廣大故謂之大呂呂者侶也言與陽為侶對生萬物又呂者距也言陽氣欲出陰氣不許恐

出傷已應鍾十月之時歲功皆成應陽之功收而積聚

故距之應鍾故謂之應鍾又應者應和之義言萬物聚於土中應陽氣而動南呂南者任也八月之中物皆含

於下故謂之應鍾

南呂

秀懷任之象陰任陽功助陽

成功之義也
林鍾林者茂也盛也六月之中物皆茂盛
故謂之南呂

萬物成就種類衆
中呂又云小呂四月之時陽氣盛
盛謂之林鍾也

鍾夾者佐也二月之中物未盡出陰佐陽氣聚物而出
故謂之夾鍾又夾者言萬物為孚甲而夾至此分解

所夾鍾聚而出
此六者陰月之管謂之為呂呂者助也
之因以為名

成功
變陰陽之聲故為十二調調各文之以五聲播之

以八音乃成為樂故有十二懸之樂焉周禮春官太師

掌六律六同以合陰陽之聲陽聲黃鍾太簇姑洗蕤賓

夷則無射陰聲大呂應鍾南呂函鍾小呂夾鍾皆文以

五聲宮商角徵羽

播之以八音以合陰陽之聲者陰陽各有

合也黃鍾子之氣十一月建焉而辰在星紀大呂丑之氣十二月建焉而辰在元枵太族寅之氣正月建焉而辰在娵訾應鍾亥之氣十月建焉而辰在析木姑洗辰之氣三月建焉而辰在大梁南呂酉之氣八月建焉而辰在壽星蕤賓午之氣五月建焉而辰在鶉首林鍾未之氣六月建焉而辰在鶉火夷則申之氣七月建焉而辰在鶉尾中呂巳之氣四月建焉而辰在實沈無射戌之氣九月建焉而辰在大火夾鍾卯之氣二月建焉而辰在降婁辰與建交錯貿處似表裏然是其合也其相生則以陰陽六體為之黃鍾初九下生林鍾之初六林鍾又上生太族之九二太族又下生南呂之六二南呂又上生姑洗之九三姑洗又下生應鍾之六三應鍾又上生蕤賓之九四蕤賓又上生大呂之六四大呂又下生夷則之九五夷則又上生夾鍾之六五夾鍾又上生

無射之上九無射又下生中呂之上六同位者象夫妻
異位者象子母所謂律娶妻而呂生子者也黃鍾長九
寸其實一篇下生者三分去一上生者三分益一五上
六下乃一終矣文之者以調五聲使之相次如錦繡之
有文章也播猶揚也揚之凡為樂器以十有二律為之
以八音乃可得而觀矣

數度以十有二聲為之齊量

數度度廣長也齊量侈弇之所容也

凡和樂

亦如之

和樂謂調故器

五聲八音名義

五聲者一曰宮

宮者義取宮室之象所以安容於物宮者土也土亦無所不容故謂之宮又宮

者中也義取中和之理其餘四聲而和調之

二曰商

商者金也金堅強故名之亦當時物皆強堅成

就之義也

三曰角

角者觸也言時萬物象陽氣觸動而出角者木生從地而出觸動之義也

四曰

徵

徵者止也言物盛則止象陽氣盛而止又徵者火也火生炎盛之義也

五曰羽

羽者舒也時陽

氣將復萬物孳育而舒生也

八音者八卦之音卦各有風謂之八風

也一曰乾之音石其風不周

乾主於石故磬音屬之其風謂之不周不周者象天

道廣被無不周徧

二曰坎之音革其風廣莫

坎主皮革鼓音屬之其風謂之廣莫

廣者大也莫者虛無也言時風體大養物於地下陽氣虛無難見之道故以廣莫為名

三曰艮之

音匏其風融

艮主於匏故以笙芋之聲屬之其風謂之融融者明也建寅之時風養物出於地物

有可明見故謂之融

四曰震之音竹其風明庶

震主於竹故以簫箎之音屬之其風

為明庶庶者衆也言風之
生物明見者衆故為明庶
五曰巽之音木其風清明
巽主

木故杞杼之音屬之其風謂之清明清者潔也明
者淨也言風生萬物皆清潔明淨故謂之清明
六曰

離之音絲其風景
離主於絲故琴瑟之音屬之其風謂之風景者大也其風養萬物皆長大

明盛也故
七曰坤之音土其風涼
坤主於土故壎音屬之其風謂之涼涼者

陰也故
八曰兌之音金其風闓闓
兌主於金故鐘音屬之其風謂之闓闓闓

者倡帥之義闓者復闓之理謂時萬物將歸
復於土陽倡而入陰隨而闓也故謂之闓闓
月令云正

月其音角
謂樂器之聲三分羽益一以生角角數六十

調其二月三月不見者
四月其音徵
徵三分宮去一以生徵徵數五十四屬

並同正月他物倣此

火以其徵清事之象也夏氣和則徵聲調

中央土其音宮

聲始於宮宮數八十一屬土以其最

大七月其音商

三分徵益一以生商商數七十二屬金也其濁次宮臣之象也秋氣和則商聲

調十月其音羽

三分商去一以生羽羽數四十八屬水以其最清物之象也冬氣和則羽聲調

樂記曰宮為君

居中總四方

商為臣

秋義斷決

角為民

春物並生各以區別

人之徵為事

夏物盛故多事

羽為物

冬物聚也

五者不亂則無愆慝

之音矣

五者君臣人事物也凡聲濁者尊清者卑愆慝敝敗不和貌愆音昌占反慝音昌制反

宮

亂則荒其君驕商亂則陂

彼義反注同

其臣壞角亂則憂其

人怨徵亂則哀其事勤羽亂則危其財匱五者皆亂迭

相陵謂之慢如此則國之滅亡無日矣

君臣人事物其道亂則其音應

而亂荒猶散也陂傾也書曰王耄荒易曰無平不陂

夫民有血氣心知之性而無

哀樂喜怒之常應感物而動然後心術形焉

言在所以感之也術

所由也形猶見也

是故志微噍殺之音作而民思憂嘽諧慢易

繁文簡節之音作而民康樂粗厲猛起奮末廣賁之音

作而民剛毅廉直勁正莊誠之音作而民肅敬寬裕肉

好順成和動之音作而民慈愛流僻邪散狄成滌濫之

音作而民淫亂

志微意細也吳公子札聽鄭風而曰其細已甚民弗堪也簡節少易也奮末動

使四支也責改為憤憤怒氣充實也春秋傳曰血氣狡
憤肉肥也狄滌往來疾貌溫僭差也此皆民心無常之
微也肉
或為潤然後聖人作為鞀鼓柷楬塤箎此六者德音之

音也

六者為本以其聲質也柷楬謂柷敵也塤箎或為
篥箎鞀徒刀反柷苦江反楬苦八反塤音誼箎音

池

然後鐘磬竽瑟以和之干戚旄狄以舞之此所以祭

先王之廟也鐘聲鏗鏗以立號號以立橫橫以立武君

子聽鐘聲則思武臣

號令所以警衆也橫充也謂
氣作充滿也橫音光浪反

石聲

磬磬以立辨辨以致死君子聽磬聲則思死封疆之臣

言磬聲清響能
明別於節義也

絲聲哀哀以立廉廉以立志君子聽琴

瑟之聲則思志義之臣

廉謂廉隅

竹聲濫濫以立會會以聚

衆君子聽竽笙簫管之聲則思畜聚之臣

濫猶擘也
會猶聚也

鼓

鼙之聲謹謹以立動動以進衆君子聽鼓鼙之聲則思

將帥之臣

聞謹
人動作

君子之聽音聲非徒聽其鏗鏘而

已彼亦有所合之也

合成已之
志意也

五聲十二律旋相為宮

伏羲氏作易紀陽氣之初以為律法建冬至之聲以
黃鐘為宮太簇為商姑洗為角林鍾為徵南呂為羽應

鍾為變宮蕤賓為變徵此聲之元五聲之正也

按應鍾為變宮

蕤賓為變徵自殷已前但有五音此二者自周以來加文武二聲謂之為七音五聲為正二聲為變變者和也

故各統一日其餘以運行當日者各自為宮而商徵以

類從焉

揚子雲曰聲生於日律生於辰取法於五行十二辰之義也聲生於日者謂日有五故聲亦有

五日謂甲巳為角乙庚為商丙辛為徵丁壬為羽戊癸為宮是五行合為五日五聲之音生於日也律生於辰者十二律出於十二辰子為

黃鍾之類是也餘已見上文漢書云黃帝使伶倫自大

夏之西至崑崙之陰取竹生於解谷其竅厚薄均者斷

兩節之間而為黃鍾之管因制十二管吹以准鳳鳴而

定律呂之音用生六律六呂之制以候氣之應而立宮
商之聲以應五聲之調鳳有雌雄鳴亦不等故吹陽律
以候於鳳吹陰律以擬於皇故能協和中聲候氣不爽
清濁相符倫理無失五聲六律旋相為宮其用之法先
以本管為均八音相生或上或下取五聲令足然後為
十二律旋相為宮若黃鍾之均以黃鍾為宮黃鍾下生
林鍾為徵林鍾上生太
蕤為商太蕤下生南呂為羽南呂上生姑洗為角此
黃鍾之調也姑洗皆三分之次故用正律之聲也 若
大呂之均以大呂為宮大呂下生夷則為徵夷則上生
夾鍾為商夾鍾下生無射為羽無射上生中

呂為角此大呂之調也中呂皆三分之次故用正律之聲也

太簇之均

以太簇為宮

呂為徵南呂上生姑洗為商姑洗下生應鍾為羽應鍾上生蕤賓為角此太簇之調也蕤賓皆三分之次故用

正律之聲也

夾鍾之均

以夾鍾為宮夾鍾下生無射為徵無射上生中呂為商中呂上生黃鍾為

羽黃鍾正律之聲長非商三分去一之次故用其子聲為羽也黃鍾下生林鍾為角林鍾子聲短非中呂為商

之次故還用林鍾正管之聲為姑洗之均

以姑洗為宮

角夾鍾之調有四正聲一子聲姑洗之均姑洗下生應鍾為徵應鍾上生蕤賓為商蕤賓上生大呂為羽大呂

正聲長非蕤賓三分去一之次故用其子聲為羽是三分去一之次大呂下生夷則為角夷則子聲短非蕤賓

為商三分去一之次故還用其聲為角此為姑洗之調亦正聲四

中呂之均

以中呂為宮中呂上生黃鍾為徵正聲長非中呂三分去一之次故

用其子聲為徵是其三分去一之次黃鍾下生林鍾為
商林鍾子聲短非中呂為宮之次故還用正聲為商林
鍾上生太簇為羽太簇正聲長非林鍾為商三分去一
之次故用其子聲為羽亦是三分去一之次也太簇下
生南呂為角此中呂之
調正聲二子聲三也 蕤賓之均 以蕤賓為宮蕤賓上
生夷則為商夷則上生夾鍾為羽正聲長非夷則三分
去一為羽之次故用子聲為羽亦是三分去一之次夾
鍾上生無射為角子聲短非夷則為商之次還林鍾之
用正聲為角此蕤賓之調亦二子聲三正聲也 林鍾之
均 以林鍾為宮林鍾上生太簇為徵太簇正聲長非林
鍾為宮三分去一為徵之次故用子聲亦是徵三分
去一之次太簇下生南呂為商南呂上生姑洗為羽姑
洗正聲長非南呂三分去一為羽之次故用子聲亦是
去一之次姑洗下生應鍾為角應鍾子聲短非南呂為
商之次故還用正聲為角此林鍾之調亦子聲二正聲

三夷則之均

以夷則為宮夷則上生夾鍾為徵夾鍾正聲長非夷則三分去一為徵之次故用子

聲為徵亦是三分去一之次夾鍾下生無射為商子聲短非夷則為商之次故還用正聲為商無射上生中呂為羽中呂正聲長非無射三分去一之次中呂上生黃鍾為角黃鍾正聲羽亦是三分去一之次中呂上生黃鍾為角黃鍾正聲長非無射三分去一為角之次故用子南呂之均呂為南聲為角此夷則之調正聲二子聲三也南呂之均呂為宮上生姑洗為徵姑洗正聲長非南呂三分去一為徵之次故用子聲為徵亦是三分去一之次姑洗下生應鍾為商應鍾子聲短非南呂三分去一之次故用正聲為商應鍾上生蕤賓為羽蕤賓上生大呂為角大呂正聲長非應鍾為商三分去一之次故用子聲為羽蕤賓上生大呂為角正聲長非應鍾為角正聲長非應鍾為角亦是三分去一之次此南無射之均射以無射為宮無射上生中呂為

徵中呂正聲長非無射三分去一之次中呂上生黃鍾為商黃鍾正
為徵亦是三分去一之次中呂上生黃鍾為商黃鍾正
聲長非無射為宮之次故用子聲為商亦是其宮之次
黃鍾下生林鍾為羽林鍾正聲長非黃鍾為商三分去
一之次故用子聲為羽林鍾上生太簇為角太簇正聲
長非黃鍾為商三分去一之次故用子聲為角此無射
之調正聲應鍾之均以應鍾為宮應鍾上生蕤賓為徵
一子聲四應鍾之均蕤賓正聲長非應鍾三分去一為
徵之次故用子聲為徵蕤賓上生大呂為商大呂正聲
長非應鍾為宮之次故用子聲為商大呂下生夷則為
羽夷則正聲長非蕤賓為徵之次故用子聲為羽夷則
上生夾鍾為角夾鍾正聲長非大呂為商之次故用子
聲為角此應鍾之調此謂迭為宮商角徵羽也若黃鍾
亦正聲一子聲四也

之律自為其宮

為夾鍾之羽為中呂之徵為夷則之角為無射之商此黃鍾之五聲也

大

呂之律自為其宮

角為姑洗之羽為蕤賓之徵為南呂之五聲也

太簇之律自為其宮

為中呂之羽為林鍾之徵為蕤賓之角為黃鍾之商此謂太簇之五

聲也夾鍾之律自為其宮

為蕤賓之羽為夷則之徵為應鍾之角為大呂之商此謂夾鍾

之五聲也中呂之律自為其宮

為夷則之羽為蕤賓之徵為姑洗之角為大呂之商此謂

中呂之五聲也蕤賓之律自為其宮

為南呂之羽為應鍾之徵為太簇之角為姑洗之商

此謂蕤賓之五聲也林鍾之律自為其宮

為蕤賓之羽為黃鍾之徵為夾鍾之角為中呂

之商此謂林鍾之五聲也

夷則之律自為其宮

為應鍾之羽為大呂之徵為姑洗之角為

蕤賓之商此謂夷則之五聲也

南呂之律自為其宮

為黃鍾之羽為太簇之徵為中呂之

角為林鍾之商此無射之律自為其宮為大呂之羽為
謂南呂之五聲也夾鍾之徵為蕤
賓之角為夷則之商應鍾之律自為其宮為太簇之羽
此謂無射之五聲也為南呂之商
為姑洗之徵為林鍾之所謂五聲六律十二管旋相為
角此謂應鍾之五聲也
宮者也

五聲十二律相生法

古之神瞽考律均聲必先立黃鍾之均五聲十二律起於黃鍾之氣數

黃鍾之管以九寸為法度其中氣明其陽數之極故用九自乘為管

絃之數

九九八十一數

管數多者則下生其數少者則上生相

生增減之數皆不出於三

以本起三才之數也

又生取之數不出

於八

以本法八風之義也

宮從黃鍾而起下生得八為林鐘上生

太簇亦復依八而取為商其增減之數以三為度以上

生者皆三分益一下生者皆三分去一宮生徵

三分宮數八十分

一分各二十七下生者去一去二十七餘有五十四以為徵故徵數五十四也

徵生商

三分徵數五十分

四則分各十八上生者益一加十八於五十四得七十二以為商故商數七十二也

商生羽

三分商數

七十二則分各二十四下生者去一去二十四得四十八以為羽故羽數四十八也

羽生角

三分羽數

四十八則分各十六上生者益一加十六於四十八得六十四以為角故角數六十四也

於此

五聲大

小之次也是黃鍾為均用五聲之法以下十二辰辰各

有五聲其為宮商之法亦如之故辰各有五聲合六十

聲是十二律之正聲也

聲本制唯以宮商角徵羽各得上下三分之次為聲

其十

二律相生之法皆以黃鍾為始黃鍾之管九寸下生者三分去

一上生者三分益一五下六上仍得一終黃鍾下生林

鍾

林鍾之管六寸

林鍾上生太簇

太簇之管八寸

太簇下生南呂

南呂之管

五寸三分寸之一

南呂上生姑洗

姑洗之管長七寸九分寸之一

姑洗下生應

鍾

應鍾之管長四寸二分十七分寸之二

應鍾上生蕤賓

蕤賓之管長六寸八十一分寸

之二十六 **蕤賓上生大呂** 大呂之管長四寸二分四十三分

二百四 **大呂下生夷則** 夷則之管長五寸七分二 **夷則上**

生夾鍾 夾鍾之管長三寸二分八十七分 **夾鍾下生無射** 無射之管長四寸六分二十五分 **無**

射上生中呂 無射之管長六寸七分六分 **中呂之法又制十二鍾准為十二**

律之正聲也 **鳧氏為鐘** 鄭玄云官有代功若族以律計

自倍半半者准半正聲之半以為十二子律制為十二

律之正聲也 **鳧氏為鐘** 鄭玄云官有代功若族以律計

自倍半半者准半正聲之半以為十二子律制為十二

子聲比正聲為倍則以正聲於子聲為倍以正聲比子聲則子聲為半但先儒釋用倍聲自有二義一義云半以十二正律為十子聲之鍾一義云從於中宮之管寸數以三分益一上生黃鍾以所得管之寸數然半之以為子聲之中其為半正聲之法者以黃鍾之管正聲九寸為均子聲則四寸半黃鍾下生林鍾之子聲三分去一故林鍾子聲林鍾上生太簇之子聲三分益一太簇子聲之律四寸太簇下生南呂之子聲三分去一南呂子聲之管長二寸三分寸之二南呂上生姑洗

之子聲

三分益一姑洗律長

姑洗下生應鍾之子聲

三分

去一應鍾子聲之律長

應鍾上生蕤賓之子聲

三分益一蕤賓

子聲之律三分八

蕤賓下生大呂之子聲

三分去一大呂子聲之律

四寸二分四十三

大呂上生夷則之子聲

三分益一夷則子聲之律

長二寸七百二十九

夷則下生夾鍾之子聲

三分去一夾鍾子聲

之律長三寸二千一百八十

夾鍾上生無射之子聲

三分

益一無射子聲之律二寸六千五百

無射下生中呂之

子聲

三分去一中呂子聲之律三寸一萬九千六百此

半正聲法其半相生之法者以正中呂之管長六寸一萬

九千六百八十三分寸之萬二千九百七十四中呂上生黃鍾三分益一得八寸五萬九千四

十九分寸之五萬一千八百九十六半之得四寸五萬九千四十九分寸之二萬五千九百四十八以為黃鍾

黃鍾下生林鍾三分去一還以六生所得林鍾之管寸

數半之以為林鍾子聲之管以次而為上下相生終於

中呂皆以相生所得之律寸數半之各以為子聲之律

故有正聲十二子聲十二分大小有二十以為二十四

鍾通於二神迭為五聲合有六十聲即為六十律其正

管長者為均之時則通自用正聲五音正管短者為均之時則通用子聲為五音亦皆三分益一減一之次還以宮商角徵羽之聲得調也

歷代製造

漢

隋

魏

大

唐

梁

陳

後

魏

北

齊

漢文帝令丞相北平侯張蒼始定律歷

武帝以李延年為協律都尉蓋

掌音律也

元帝時郎中京房知五音六十律之數上使常玄

成等試問房於樂府房對受學於故小黃令焦延壽六十律相生之法以上生下皆三生二以下生上皆三生

四陽下生陰陰上生陽終於中呂而十二律畢矣中呂
上生執始執始下生去滅上下相生終於南事六十律
畢矣夫十二律之變於六十猶八卦之變至於六十四
也

又造准形如瑟十三絃隱間九尺中使一絃下有尺
分寸六十律之節史官傳之至後漢建武之後不能

定其絃緩急矣王莽徵天下通知鍾律者有百
餘人令劉歆領之造銅律其所制與房不殊

○魏武

帝時杜夔精識音韻為雅樂郎中令鑄銅工柴玉巧有
意思形器之中多所造作亦為時人見知夔令玉鑄鐘
其聲均清濁多不如法數毀改作玉甚厭之謂夔清濁

任意更相訴白於魏武魏武取所鑄鐘雜錯更試然後知夔為精而王之謬也明帝青龍中鑄大鐘高堂崇諫曰夫禮樂者為治之大本也故簫韶九成鳳凰來儀雷鼓六變天神以降是以政平刑措和之至也新春發響商辛以隕大鐘既鑄周景以死存亡之機恒由此作君舉必書古之道也作而不法何以示後帝稱善焉○晉張華荀勗校魏杜夔所造鍾律其聲樂多不諧合乃出御府古今銅竹律二十五銅尺銅斛七具校減新尺短

夔尺四分因造十有二笛笛具五音以應京房之術笛
體之音皆各用蕤賓林鍾之角短則又倍之二笛八律
而後成去四分之一而以本宮管上行度之則宮定也
因宮冗以本宮徵管上行度之則徵定也各以其律展
轉相因隨冗疎密所宜置之或半之或四之以調律呂
正雅樂正會殿庭作之自謂宮商克諧然論者謂勗為
暗解初勗常於路逢趙賈人牛鐸及掌樂事律呂未諧
曰得趙人牛鐸則諧矣遂下郡國悉送牛鐸果得
諧時阮咸善達八音論者謂之神解咸常心譏勗新律

聲高以謂高近哀思不合中和每公會作樂勗自以為遠不及咸常意咸謂之不調以為異已乃出咸為始平相後有田夫耕於野得周玉尺勗以校已所理鍾石絲竹皆短校一米於此伏咸之妙復徵咸歸○梁武帝天監元年下詔博採古樂竟無所得帝既素善音律詳悉舊事遂自制立四器名之為通通受聲亮廣九寸直長九尺臨岳高寸二分每通施三絃一曰玄英通應鍾絃用百四十二絲長四尺七寸四分差強黃鍾絃用二百

七十絲長九尺大呂絃用二百五十二絲長八尺四寸
三分差弱二曰青陽通太簇絃用二百四十絲長八尺
夾鍾絃用二百二十四絲長七尺五寸弱姑洗絃用百
四十二絲長七尺二寸一分強三曰朱明通中呂絃用
百九十絲長六尺六寸六分弱蕤賓絃用百八十九絲
長六尺三寸二分強林鍾絃用百八十絲長六尺四寸
四分四曰白藏通夷則絃用百六十八絲長五尺六寸
二分弱南呂絃用百六十絲長五尺三寸三分大強無

射絃用百二十九絲長四尺九寸九分強因以通聲轉
推用氣悉無差違而還相得中又制為十二笛黃鍾笛
長三尺八寸大呂笛長三尺六寸太簇笛長三尺四寸
夾鍾笛長三尺二寸姑洗笛長三尺一寸中呂笛長二
尺九寸蕤賓笛長二尺八寸林鍾笛長二尺七寸夷則
笛長二尺六寸南呂笛長二尺五寸無射笛長二尺四
寸應鍾笛長二尺三寸用笛以寫通聲攷古夾鍾玉律
并周代古鐘並皆不差於是被以八音旋以七聲莫不

和韻○陳山陽太守毛爽習京房候氣術陳亡祖孝孫
學之於爽周歲之日日異其律冬至之日以黃鐘為宮
林鍾為徵太簇為商南呂為羽姑洗為角應鍾為變宮
蕤賓為變徵隨月異宮匝歲而復○後魏孝明帝神龜
元年有陳仲儒者自江南歸魏頗閑樂事請依前漢京
房立准以調八音有司問仲儒言前被符問京房准定
六十律之後雖有器存曉之者尠至後漢熹平末張光
等猶不能定絃之急緩聲之清濁仲儒授自何師出何

典籍而云能曉答曰仲儒在江左之日頗愛琴又常覽
司馬彪所撰續漢書見京房准術成數昭然而張光等
不能定仲儒不量庸昧竊有意焉遂竭愚思鑽研甚久
雖不能測其機妙至於聲韻頗有所得度量衡歷出自
黃鐘雖造管察氣經史備存但氣有盈虛黍有巨細差
之毫釐失之千里自非管應時候聲驗吉凶則是非之
源諒亦難定此則非仲儒淺識所敢聞之至於准者本
以代律取其分數調校樂器則宮商易辨若尺寸少長

則六十宮商相與微濁若分數加短則六十徵羽類皆
小清至於清濁相宣諧會歌管皆得應合雖積黍驗氣
取聲之本清濁諧會亦須有方若閑准意則辨五聲清
濁之韻若善琴術則知五調調音之體參此二途以均
樂器則自然應和不相奪倫如不練此必至乖謬按後
漢順帝陽嘉二年冬十月行禮辟雍奏應鍾始復黃鍾
作樂器隨月律是謂十二之律必須次第為宮而商羽
角徵以類從之尋調聲之體宮商宜濁徵羽用清若依

公孫崇上以十二律聲而云還相為宮清濁悉足非唯未練五調調器之法至於五聲次序自是不足何者黃鍾為聲氣之元其管最長故以黃鍾為宮太簇為商林鍾為徵則一任相順若均之八音猶須錯採衆聲配成其美若以應鍾為宮大呂為商蕤賓為徵則徵濁而宮清雖有其韻不成音曲若以夷則十二律中唯得取中呂為徵其商角羽並無其韻若以中呂為宮則十二律內全無所取何者中呂為十二之窮變律之首依京房

書中呂為宮乃以去減為商執始為徵然後方韻而崇
乃以中呂為宮猶用林鍾為商黃鍾為徵何由可諧仲
儒以為調和樂器文飾五聲非准不妙若如嚴嵩父子
心賞清濁是則為難若依案見尺作准調絃緩急清濁
可以意推耳但音聲精微史傳簡畧舊志唯云准形如
瑟十三絃隱間九尺以應黃鍾九寸調中一絃令與黃
鍾相得按畫以求其聲遂不辨准湏柱以下柱有高下
絃有麤細餘十二絃復應若為致令攪者迎前拱手又

按房准九尺之內若十七萬七千一百四十七分一尺之內為萬九千六百八十三分又復十之是為於准一寸之內亦為萬九千六百八十三分然則於准一分之內乘為二千分又為小分以辨強弱中間至促離朱之明猶不能窮而分之雖然仲儒私曾考驗但前却中柱使入常准尺分之內相生之韻已自應合然分數既微器宜精妙其准平面直湏如停水其中絃一柱高下湏與二頭臨岳一等移柱上下之時不使離絃不得舉絃

又中絃麤細須與琴宮相類中絃須施軫如琴以軫調聲令與黃鍾一管相合中絃下依數出六十律清濁之節其餘十二絃須施柱如箏又凡絃皆須素張使臨時不動即於中絃按畫一周之聲度著十二絃上然後依相生之法以次運行取十二律之商徵商徵既定又依琴五調調聲之法以均樂器其調以宮為主清調商為主平調以角為主然後錯採衆聲以文飾之如錦繡自上代以來消息調准之方並史文所畧出仲儒愚思若

事有乖此聲則不和平仲儒尋之分數精微如彼定絃急緩艱難若此而張光等視掌尚不知藏中有准既未識其器又安能施絃也且燧人不師資而習火延壽不束脩以變律故云知之者欲教而無從心達者體知而無師苟有毫釐所得皆關心抱豈必要經師授然後尋竒哉但仲儒自省庸淺才非膽足正可麤識音韻纔言其理致耳時尚書蕭寶寅又奏金石律呂制度調均自古以來尠或通曉仲儒雖麤迷而學不師授云出已心

又言舊器不任必須更造然後克諧上違用舊之旨輕
欲製造臣竊思量不合依許詔曰禮樂之事蓋非常人
能明可如所奏。北齊神武霸府田曹參軍信都芳世
號知音能以管候氣仰觀雲色常與人對語則指天曰
孟春之氣至矣人往驗管而飛灰已應每月所候言皆
無爽又為輪扇二十四埋地中以測二十四氣每一氣
感則一扇自動他扇並住與管灰相應若合符契焉

隋文帝開皇二年詔求知音之士參定音樂沛國公鄭

譯云考尋樂府鍾石律呂皆有宮商角徵羽變宮變徵之名七聲之內三聲乖應每常求訪終莫能通初周武帝時有龜茲人曰蘇祇婆從突厥皇后入國善胡琵琶聽其所奏一均之中間有七聲因而問之答云父在西域稱為知音代相傳習調有七種以其七調勘校七聲冥若合符一曰婆陁力華言平聲即宮聲也二曰雞識華言長聲即南呂聲也三曰沙識華言質直聲即角聲也四曰沙侯加濫華言應聲即變徵聲也五曰沙臘華

言應和聲即徵聲也六曰般贍華言五聲即羽聲也七曰俟利筵華言斛牛聲即變宮聲也譯因習而彈之始得七聲之正然其就此七調又有五旦之名旦作七調以華言譯之旦者則謂之均也其聲亦應黃鍾太簇林鍾南呂姑洗五均以外七律更無調聲遂因其所捻琵琶絃柱相飲為均推演其聲更立七均合成十二以應十二律律有七音音立一調故成七調十二律合八十四調旋轉相交盡皆和合仍以其聲考校大樂所奏林

鍾之宮應用林鍾為宮乃用黃鍾為宮應用南呂為商
乃用太簇為商應用應鍾為角乃取姑洗為角故林鍾
一宮七聲三聲並戾其十一宮七十七音例皆乖越莫
有通者又以編懸有八因作八音之樂七聲之外更立
一聲謂之應聲譯因作書二十餘篇明其指趣至是譯
以其書宣示朝廷並立議正之有萬寶常者妙通鍾律
徧解六音常與人方食論及聲調時無樂器因取前食
器及雜物以箸扣之品其高下宮商畢備諧於絲竹文

帝後召見問鄭譯所定音樂可否對曰此亡國之音豈
陛下之所宜聞遂極言樂聲哀怨淫放非雅正之音請
以水尺為律以調樂器上遂從之遂造諸樂器其聲率
下於譯調二律並撰六樂譜十四卷論八音旋相為宮
之法改絲移柱之變為八十四調百四十四律變化終
於千八聲時人以周禮有旋宮之義自漢魏以來知音
者皆不能通見寶常時創其事皆哂之至是試令為之
應手成曲無所凝滯見者莫不嗟異於是損益樂器不

可勝紀其聲雅淡不為時所好太常善聲者多排毀之
又太子洗馬蘓夔駁譯曰韓詩外傳所載樂聲感人及
月令所載五音所中並皆有五不言變宮變徵又左氏
所云七音六律以奏五聲准此而言每宮應立五調不
聞更加變宮變徵二調為七調七調之作所出未詳譯
荅曰周有七音之律漢書律歷志天地人及四時謂之
七始黃鍾為天始林鍾為地始太簇為人始是為三始
姑洗為春蕤賓為夏南呂為秋應鍾為冬是為四時四

時三始是以為七今若不以二變為調曲則是冬夏聲
闕四時不備是故每宮須立七調於是衆從譯議譯又
與夔俱云按今樂府黃鍾乃以林鍾為調首失君臣之
義清樂黃鍾宮以小呂為變徵乖相生之道今請推黃
鍾宮為調首清樂去小呂還用蕤賓為變徵衆皆從之
夔又與譯議欲累黍立分正定律呂時以音律久不通
譯夔等一朝能為之以為樂聲可定而何妥舊以學問
推為儒首帝素不悅學不知樂妥又恥已宿儒不逮譯

等欲沮壞其事乃立議非十二律旋相為宮曰經文雖道旋相為宮恐是直言其理亦不通隨月用調是以古來不取若依鄭玄及司馬彪須用六十律方得和韻今譯唯取黃鍾之正宮兼得七始之妙義非止金石諧韻亦乃篳篥不繁可以享百神可以合萬舞矣而又非其七調之義曰近代書記所載縵樂鼓琴吹笛之人多云三調之聲其來久矣請存三調而已時牛弘總知樂事不能精究音律實常又修洛陽舊典言幼學音律師於

祖孝徵知其上代修調古樂周之璧翬殷之崇牙懸八
用七盡依周禮備矣所謂正聲又近前漢之樂不可廢
也是時競為異議各立朋黨是非之理紛然淆亂或欲
各令修造待成擇其善者而從之妥恐樂成善惡易見
乃請張樂試之遂先說曰黃鍾者以象人君之德及秦
黃鍾之詞帝曰洋洋和雅甚與我會妥因陳用黃鍾一
宮不假餘律帝大悅班賜妥等修樂者自是譚等議寢
帝又遣毛爽及蔡子元于普明等以候節氣依古於三

重密屋之內以木為案十有二具每取律呂之管隨十二辰置於案上而以土埋之上平於地中實葭莩之灰以輕緹素覆律口每地氣至與律冥符則灰飛衝素散出於外而氣應有早晚灰飛有多少或初入月其氣即應或至中下旬間氣始應者或飛灰出三五夜而盡或終一月纔飛少許者帝異之問牛弘弘對曰灰飛半出為和氣灰全出為猛氣吹灰不能出為衰氣和氣應者其政平猛氣應者其臣縱衰氣應者其君暴帝駁之曰

臣縱君暴其政不平非月別而有異也今十二月律於一歲內應並不同安得暴君縱臣若斯之甚也弘不能對初萬寶常聽太常所奏樂泣然而泣人問其故對曰樂淫厲而哀天下不久相殺當時四海全盛聞其言皆謂不然大業末其言卒驗而寶常貧困無人贍遺饑餒將死取其所著書焚之曰何用此為見者於火中探得數卷見行於世開皇初有盧賁蕭吉並撰著樂書皆為當時所用至於天機去寶常遠矣又有安馬駒曹妙達

王長通郭金等能造曲為一時之妙多習鄭聲而寶常所為皆歸於雅正雖公議不服然皆謂以為神煬帝將幸江都有樂人王令言妙達音律令言之子常從於戶外彈胡琵琶作翻安公子曲令言時臥室中聞之大驚蹶然而起變色急呼其子曰此曲興自早晚對曰頃來有之令言歔歔流涕謂其子曰汝慎無從行帝必不返此曲宮聲往而不返宮君也吾所以知之帝竟被弑於江都○大唐高祖受禪後軍國多務未遑改創樂府尚

用隋氏舊文至武德九年正月始命太常少卿祖孝孫

考正雅樂至貞觀二年六月樂成奏之

太宗謂侍臣曰禮樂之作蓋聖

人緣情設教以為搏節治之興替豈此之由御史大夫杜淹對曰前代興亡實由此樂陳之將亡也為玉樹後庭花齊之將亡也為伴侶行路難聞之莫不悲泣所謂亡國之音也以是觀之蓋樂之由也太宗曰不然夫音聲能感人自然之道也故懽者聞之即大悅憂者聞之即大悲悲悅之情在於人心非由樂也將亡之政其人必苦然苦心所感故聞之則悲耳何有樂聲哀怨能使悅者悲乎今玉樹後庭花伴侶之曲其聲具存朕當為公奏之知初孝孫以梁陳舊業雜用吳楚之音周齊公必不悲矣

舊樂多涉胡戎之伎於是斟酌南北考以古音而作大

唐雅樂以十二律各順其月旋相為宮按禮記云大樂與天地同和治世之音安以樂其政和故製十二和之樂合三十二曲八十有四調祭圓丘以黃鍾為宮郊朝方澤以林鍾為宮宗廟以太簇為宮五郊廟賀享宴則隨月用律為宮

初隋但用黃鍾一宮唯扣七鐘餘五鐘虛懸而扣及孝孫建旋宮之法扣鐘

皆徧無復虛懸也

凡祭天神奏豫和之樂地祇奏順和宗廟奏

永和天地宗廟登歌俱奏肅和皇帝臨軒奏太和王公出入奏舒和皇帝食舉及飲酒奏休和皇帝受朝奏正

和皇太子軒懸出入奏承和元日冬至皇帝禮會登歌
奏昭和郊廟俎入奏雍和皇帝祭饗酌酒讀祝文及飲
福酒受胙奏壽和五郊迎氣各以月律而奏其音又郊
廟祭享奏化康凱安之舞

周禮旋宮之義亡絕已久莫能知之一朝復古自孝孫始

也貞觀初張文收善音律嘗覽蕭吉樂譜以為未甚詳
悉乃取歷代沿革截竹為十二律吹之備盡旋宮之義
太宗召文收於太常令與少卿祖孝孫參定雅樂太樂
有古鍾十二近代唯用其七餘有五鐘俗號啞鐘莫能

通者文收吹律調之聲皆響徹時人咸服其妙尋授協
律郎及孝孫卒文收復採三禮更加釐革依周禮祭昊
天上帝以圜鍾為宮黃鍾為角太簇為徵姑洗為羽奏
豫和之舞若封太山同用此樂若地祇方丘以函鍾為
宮太簇為角姑洗為徵南呂為羽奏順和之舞禪梁甫
同用此樂禘祫宗廟以黃鍾為宮大呂為角太簇為徵
應鍾為羽奏永和之舞五郊日月星辰及類上帝黃鍾
為宮奏豫和之曲大蜡大報以黃鍾太簇姑洗蕤賓夷

則無射等調奏豫和順和永和之舞明堂雩以黃鍾為
宮奏豫和之曲神州社稷籍田並以太簇為宮雨師以
姑洗為宮山川以蕤賓為宮並奏順和之曲臨軒出入
奏舒和之樂並以姑洗為宮饗先妣以夷則為宮奏永
和之曲大饗讌會奏姑洗蕤賓二調皇帝食畢以月律
為宮並奏休和之曲皇帝郊廟出入奏太和之曲臨軒
出入奏舒和之樂皇帝大射奏騶虞之曲並以姑洗為
宮皇太子奏狸首之曲皇太子軒懸姑洗為宮奏永和

之曲凡奏黃鍾歌大呂奏太簇歌應鍾奏姑洗歌南呂
奏蕤賓歌林鍾奏夷則歌中呂奏無射歌夾鍾凡黃鍾
蕤賓為宮其樂九變大呂林鍾為宮其樂八變太簇夷
則為宮其樂七變夾鍾南呂為宮其樂六變姑洗無射
為宮其樂五變中呂應鍾為宮其樂四變天子十二終
上公九終侯伯七終子男五卿六大夫四士三然後樂

教大備

是晉某歲閏月造者得月數當十二枚今闕其

一於黃鍾東九尺掘必得焉下州求之如言而得裴知
古武太后朝以知音在太常路逢乘馬者聞其聲竊云

此人當墜馬好事者隨觀之行未半里馬驚墜殆死常
觀人迎婦開婦玉聲曰此婦人不利姑是日姑有疾竟
亡其知音皆此類也近代言樂衛道弼為最天下莫能
以聲欺者曹紹夔次之夔弼皆為太樂令享北郊監享
御史有怒於夔欲以樂不和為之罪雜扣鐘聲使夔聞
辨之無誤者由是反歎服入洛陽有僧房中磬日夜自
鳴僧以為怪懼而成疾尋求術士百方禁之終不能已紹
夔素與僧善來問疾僧尋以告俄擊齋鐘磬復作聲紹
夔笑曰明日可設盛饌當與除之僧雖不信紹夔言冀
其或效乃具饌以待紹夔食訖出懷中錯鏤錯磬數處
而去聲遂絕僧苦問其所以紹夔云此磬
與鍾律合故擊彼此應僧大喜疾亦愈

前上元三年

十一月勅新造上元之舞先令大祠享皆將陳設自今
以後圓丘方澤太廟祀享然後用此舞餘祭並停乾元

元年三月肅宗以太常舊鐘磬自隋以來所傳五聲或有錯差謂太常少卿于休烈曰古者聖人作樂以應天地之和以合陰陽之序和則人不夭扎物不疵癘且金石絲竹樂之器也比親享郊廟每聽樂聲或宮商不倫或鐘磬失度可盡將鐘磬來朕當於內定太常進入上集樂工考試數日審知差錯然後令再造及磨刻二十五日一部先畢召太常樂工上臨三殿親觀考擊皆合五音送太常又於內造樂章三十一章送太常郊廟歌

之

通典卷一百四十三

欽定四庫全書

通典卷一百四十四

唐 京兆杜佑君卿纂

樂四

權量

虞

漢

魏

隋

大唐

虞書曰乃同律度量衡三代式遵斯制秦滅學之後紛
綸莫定○漢書曰夫推歷生律制器規圓矩方權重衡
平準繩嘉量探蹟索隱鉤深致遠莫不用焉度長短者

不失毫釐量多少者不失圭撮權輕重者不失黍累紀
於一協於十長於百大於千衍於萬其法在算術宣於
天下小學是則職在太史羲和掌之度者分寸尺丈引

也所以度長短也本起黃鍾之長以子穀秬黍中者

子北

方北方黑
謂黑黍也

一黍之廣度之九十黍為黃鍾之長

黃鍾
九寸一

為一分十分為寸十寸為尺十尺為丈十丈為引而五
度審矣量者侖合升斗斛也所以量多少也本起於黃
鍾之侖用度數審其容子穀秬黍中者千有二百實其

龠以井水準其槩十龠為合十合為升十升為斗十斗為斛而五量嘉矣權者銖兩鈞石也所以稱物平施知輕重也本起於黃鍾之重一龠容千二百黍重十二銖兩之為兩二十四銖為兩十六兩為斤三十斤為鈞四鈞為石權與物鈞而生衡衡運生規規圓生矩矩方生繩繩直生準準正則平衡而鈞權矣是謂五則也位於北方太陰為智為水水曰潤下智者謀謀而深故為權北方之義也大小有准輕重有數各應其象五權謹

矣○魏初杜夔造斛即周禮所謂嘉量也深尺方尺實

一輔音輔音一音寸實一豆耳三寸實一升重一鈞聲中黃

鍾晉氏播遷亡其彙量○隋制前代三升當今一升三

兩當今一兩一尺二寸當今一尺○大唐貞觀中張文

收鑄銅斛秤尺升合咸得其數詔以其副藏於樂署至

武延秀為太常卿以為奇翫以律與古玉斗升合獻焉

開元十七年將考宗廟樂有司請出之勅惟以銅律付

太常而亡其九管今正聲有銅律三百五十六銅斛二

銅秤二銅甌十四斛左右耳與觚皆正方積十而登以
至於斛銘云大唐貞觀十年歲次元枵月旅應鍾依新
令累黍尺定律校龠成茲嘉量與古玉斗相符同律度
量衡協律郎張文收奉勅修定秤盤銘云大唐貞觀秤
同律度量衡匣上有朱漆題秤尺二字尺亡其跡猶存
以今常用度量校之尺當六之五衡皆三之一一斛一
秤是文收總章年所造斛正圓而小與秤相符也

金一

鐘

棧鐘

銅鈸

銅鼓

鐸

鏡

鐺

鐸

方

鐘世本云黃帝工人垂所造

山海經云炎帝之孫鼓延始為鐘又禮記云垂之鐘

鄭元云垂克時鐘工未知孰是

周禮冬官考工記鳧氏為鐘兩藥謂之

銑

銑鐘口兩角

銑間謂之于于上謂之鼓鼓上謂之鉦鉦上

謂之舞

此四名者鐘體也鄭衆云于鐘脣之上祛也鼓所擊處

舞上謂之甬甬上

謂之衡

此二名者鐘柄也甬並音勇

鐘懸謂之旋旋蟲謂之幹

旋屬鐘柄

所以懸之也鄭衆云旋蟲者旋以蟲為飾也鄭玄云今時旋有蹲熊盤龍辟邪

鐘帶謂之篆篆

間謂之枚枚間謂之景

帶所以介其名也介在于鼓鉦舞甬衡之間凡四鄭衆云枚鐘

穴乳也鄭玄云今時鐘乳狹鼓與舞每處有凡四而三十六

于上之桴謂之隧桴所

處擁蔽也。隧在鼓中窻而生光有似夫隧擁音靡又莫賀反窻音烏華反十分其銑去二以

為鉦以其鉦為之銑間去二分以為之鼓間以其鼓間

為之舞修去二分以為舞廣此言鉦之徑居銑徑之八分而銑間與鉦之徑相應

鼓間又居銑徑之六與舞修相應舞修舞徑也舞上下從以橫為修從為廣舞廣四分今亦去徑之二分以為

之間則舞間之方常居銑之四也舞間方四則鼓間六亦其方也鼓六鉦六舞四此鐘口十者其長十六也鐘

之大數以律為度廣長與圍徑假設之耳其銑之形則各隨鐘之制為長短大小也凡言間者亦為從篆以分

之鉦間亦當六今以其鉦之長為之甬長并衡數也以其甬

長為之圍參分其圍去一以為衡圍衡居甬上又小參分其甬

長二在上一下以設其旋

今衡居一分則參分旋亦二在上一下以旋半當

甬之中央是其正

鐘已厚則石

太厚則聲不發

已薄則播

太薄則聲散

侈則

柞

側柏反

弁則鬱

聲不舒揚

長甬則振

鐘掉則聲不正掉音徒弔反

是故大

鐘十分其鼓間以其一為之厚小鐘十分其鉦間以其

一為之厚

言若此則不石不播鼓鉦之間同方六而今宜異又十分之一猶太厚皆非也若言鼓外

鉦外則近之鼓外二鉦外一

鐘大而短則其聲疾而短聞

淺則躁躁則易竭也

聞音問下同

鐘小而長則其聲舒而遠聞

深則安難息

為隧六分

其厚以其一為之深而圜之

厚鐘厚也深謂室之也其室圜

爾雅曰大

鐘曰鏞中者曰剽音漂小者曰棧春秋左氏傳曰景王將

鑄無射

無射鐘名律中無射

伶州鳩曰王其以心疾死乎伶樂官也州鳩

其夫樂天子之職也

職所主也

夫音樂之興也

樂因音而行也

而鐘

音之器也

音由器以發也

天子省風以作樂

省風俗作樂以移之

器以鍾

之

鍾聚也以器聚音也

輿以行之

樂須音而行也

小者不窕

窕窕細不滿也窕音他刁反

下大者不擗

擗橫大不入也擗音戶化反下同

則和於物物和則嘉成

嘉樂成也

故和聲入於耳而藏於心心億則樂

億安也

窕則不

咸

不充滿人心也咸音戶暗反下同

擗則不容

心不容也

心是以感感實生

疾今鐘槲矣王心不堪其能久乎○棧鐘東晉初得則爾雅所謂鐘小者棧也小而編次之曰編鐘○鑄如鐘而大按前代有大鐘若周之無射非一皆謂之鐘○鑄于古禮器也鑄音淳圓如碓頭大上小下周禮以金鑄和

鼓南史云今人間猶時有其器則宋非朝廷所用廣漢什邡人段祖以鑄于獻始興王鑑其器高三尺六寸六分圍二尺四寸圓如筩音動銅色黑如漆甚薄上有銅馬以繩縣馬令去地尺餘灌之以水又以器盛水於下以

芒當心跪注鐸于以手震芒則其聲如雷清響良久乃
絕後周平蜀得之斛斯微觀曰鐸于也依于寶周禮注
驗之如其言也○鐸如編鐘而無舌有柄搖之以止鼓
漢鼓吹曲有鐸歌

釋名曰鐸聲說也

○鐸鉦也形如小鐘軍行

鳴之以為鼓節周禮以為金鐸節鼓近代有如大銅疊

懸而擊之以節鼓呼曰鉦○鐸大鈴也周禮以金鐸通

鼓三禮圖云其匡以銅為之木舌為木鐸金舌為金鐸

○方響梁有銅磬蓋今方響之類也方響以鐵為之修

九寸廣二寸圓上方下架如磬而不設葉倚於架上以代鐘磬人間所用者纔三四寸○銅鈸亦謂之銅盤出西戎及南蠻其圓數寸隱起如浮漚貫之以韋相擊以和樂也南蠻國大者圓數尺或謂齊穆王素所造○銅鼓鑄銅為之虛其一面覆而擊其上南夷扶南天竺類皆如此嶺南豪家則有之大者廣丈餘

西戎有吹銅角者長可二尺形

如角

石二磬 磬

磬世本云叔所造不知何代人又曰無句作磬

古史禮記考曰

堯時人也曰叔之離磬

周禮冬官考工記磬氏為磬倨句一矩有

半

必先度一矩為句一矩為股而求其弦既而以一矩有半觸其弦則磬之倨句也磬之制有大小假此矩

以定倨句非用其度耳

其博為一

博謂股博也博廣也

股為二鼓為三參分

其股博去一以為鼓博以其一為之厚

鄭衆云股磬之上大者鼓其下

小者所當擊也鄭玄謂股外面鼓內面也假令磬股廣四寸半者股長九寸也鼓廣三寸長尺三寸厚一寸

已上則摩其旁

鄭衆云磬聲太上則摩鉦其旁玄謂太上聲清也薄而廣則濁已下則

已下則

摩其端

已下聲濁也短而厚則清

磬師掌教擊磬

教視瞭也磬亦編如鐘

教繆

樂燕樂之鐘磬

鄭玄云縵謂絲聲之和樂者不學操縵不能安弦燕樂房中之樂所謂陰聲二

樂皆教其鐘磬

○磬

虛嬌反

爾雅云形似犂鋸以玉石為之書云

泗濱浮磬泗濱石可為磬近代出華原也

土三

塤

缶

塤

許表反

世本云暴辛公所造亦不知何代人周畿內有

暴國豈其時人乎

宋均曰為塤久矣此掌其官也

爾雅曰燒土為之大

如鶩子銳上平底形似秤錘六孔小者如雞子大者曰

鼗

音

○缶說文曰瓦器也所以盛酒漿秦人鼓之以節

歌也爾雅云盆也坎其擊缶

澠池會秦王為趙王擊缶是也李斯云擊甕扣缶皆

秦之聲

革四

鼓

齊鼓

擔鼓

羯鼓

都曇鼓

毛員

拍雅

撫

鼓世本云夷作鼓以桴擊之曰鼓以手搖之曰鼗周禮

地官鼓人掌教六鼓四金之音聲以節聲樂以和軍旅

以正田役

音聲五聲合和者

教為鼓而辨其聲用

教為鼓教擊鼓者大小之

數又別其聲而用事也

以雷鼓鼓神祀

雷鼓八面鼓神祀祀天神也

以靈鼓鼓

社祭

靈鼓六面鼓社祭地祇也

以路鼓鼓鬼享

路鼓四面鼓也鬼享享宗廟也

以鼗

鼓鼓軍事

鼗鼓長八尺鼓音扶雲反

以鼗鼓鼓役事

鼗鼓長丈二尺鼗音古刀反

以晉鼓鼓金奏

晉鼓長六尺六寸奏謂樂作擊編鐘

冬官考工記鞀人為

臯陶

鄭衆云鞀書或為鞀臯陶鼓木也鄭鞀從革耳鞀音運鞀音陶

長六尺有六寸左

右端廣六寸中尺厚三寸

板中廣頭狹為穹隆鄭衆云謂鼓木一判者其兩端廣六

寸而中央廣尺如此乃得有腹

穹者三之一

鄭衆云穹讀為志無空邪之空謂鼓木腹穹隆者居

鼓三之一鄭玄讀如穹蒼之穹穹者居鼓面三之一則其鼓四尺者版穹一尺三寸三分寸之一倍之為二尺

六寸三分寸之二加鼓四尺穹之徑六尺六寸三分寸之二此鼓合十二版也上三正鄭衆云謂兩頭

一平中央一平鄭玄謂三讀當為參言正直也參直者
穹上一直兩端又直各居二尺二寸不孤曲也此鼓兩
面以六鼓差之賈侍中云晉鼓大
而短近晉鼓也以晉鼓鼓金奏
鼓長八尺鼓四尺中

圍加三之一謂之鼓

中圍加三之一者加於面之圍以

加以三分一四尺則中圍十六尺徑五尺三寸三分寸
之一也今亦合二十版則版穹六寸三分寸之二大鼓
謂之鼓鼓軍事鄭衆云鼓
四尺謂革所蒙者廣四尺為臯鼓長尋有四尺鼓四

尺倨句磬折

以臯鼓鼓役事磬折中曲之不參
正也中圍與鼓鼓同以磬折為異

凡冒鼓

必以啟蟄之日

啟蟄孟春之中蟄蟲始聞雷聲而
動鼓乃所以取象冒蒙鼓以革也

革鼓

瑕如積環

革謂

鼓大而短則其聲疾而短聞

音問

小而

長則其聲舒而遠聞禮記云夏后之鼓足殷楹鼓周懸

鼓

足謂四足也楹謂之柱貫中上出也懸懸之簋虞詩殷頌曰植我鼗鼓周頌曰應棨懸鼓棨以刃反應

鼓在大鼓側以和大鼓小鼓有柄曰鞀音桃大鞀謂之鞀

月令仲春修鞀鞀是也然則鞀鞀即鞀類也

帝王世紀曰帝嚳命

鞀垂作

又有鼗鼓焉近代有晉鼓大者瓦小者木皆廣首

而纖腹○齊鼓如漆桶大頭設齊於鼓面如麝臍故曰

齊鼓○檐鼓如小甕先冒以革而漆之○羯鼓正如漆

桶兩頭俱擊以出羯中故號羯鼓亦謂之兩杖鼓○都

曇鼓似鼗鼓而小以槌擊之○毛員鼓似都曇而稍大
○荅臘鼓制廣羯鼓而短以指揩之其聲甚震俗謂之
揩鼓○雞樓鼓正圓而首尾可擊之處平可數寸○正
鼓和鼓者一以正一以和皆鼗鼓也○節鼓狀如博局
中開圓孔適容其鼓擊之以節樂也節不知誰所造傳
玄節賦云鑱鐘唱歌九韶興舞口非節不詠手非節不
拊此則所從來亦遠矣鑱音橫○撫拍以韋為之實之以
糠撫之以節樂也○雅周禮春官笙師掌教應雅以教

絃樂

教教視瞭也鄭衆曰雅狀如漆桶而奔口大二圍長五尺六寸以羊革鞀之有兩紐疏畫之賈公彥

云長疏而畫之賓醉而出奏絃夏以此器築地為之行節明不失禮絃鼓來反

絲五

琴

瑟

筑

箏

琵琶

阮咸

塤篪

琴世本云神農所造琴操曰伏羲作琴所以修身理性反其天真白虎通曰琴禁也禁止於邪以正人心也廣雅曰琴長三尺六寸六分象三百六十六日大絃為君寬和而溫小絃為臣清廉不亂文王武王加二絃以合君臣之恩也琴操曰廣六寸象六合也又上曰池言其

平下曰濱言其服前廣後狹象尊卑上圓下方象天地

一絃琴十有二柱柱如琵琶擊琴柳惲所作惲嘗為文詠思有所屬搖筆誤中琴絃因為此樂以管承絃又以片竹約而束之使絃急而聲亮舉以擊之以為節曲揚雄琴清英曰舜彈五絃之

琴而天下化堯加二絃以合君臣之恩

桓譚新論曰五絃第一絃為宮

其次商角徵羽文王武王各加一絃以為少宮少商說者不同又琴之始作或云伏羲或云神農諸家所說莫能詳爾雅曰大琴謂之離二十七絃今無其器齊桓公

曰號鐘楚莊曰繞梁相如曰綠綺伯喈曰焦尾而傳玄

琴賦云非伯喈也

一云焦尾蔡邕琴

○瑟世本云庖羲作五十

絃黃帝使素女鼓瑟哀不自勝乃破為二十五絃具二

均聲

爾雅曰大瑟謂之灑禮圖舊云雅瑟長八尺一寸廣一尺八寸二十三絃其常用者十九絃頌瑟長

七尺二寸廣八寸二十五絃盡用之

易通卦驗曰人君冬至日使八能

之士鼓黃鍾之琴瑟用槐木長八尺一寸夏至日琴用

桑木長五尺七寸

槐取氣上也桑取氣下也

○筑不知誰所造也史

籍唯云高漸離善擊筑漢高祖過沛所擊釋名曰筑以

竹鼓之也似箏細項

按今制身長四尺三寸項長三寸圓四寸五分頭七寸五分上濶七

寸五分下濶六寸五分

○箏秦聲也傳玄箏賦序曰代以為蒙恬

所造今觀其器上崇似天下平似地中空准六合絃柱擬十二月設之則四象柱鼓之則五音發斯乃仁智之

器豈蒙恬亡國之臣能關思哉

今清樂箏並十有二絃他樂皆十有三絃軋箏

以片竹攔其端而軋之彈箏用骨爪長寸餘以代指

○琵琶傳玄琵琶賦曰漢遣

烏孫公主嫁昆彌念其行道思慕故使工人裁箏筑為馬上之樂今觀其器中虛外實天地象也盤圓柄直陰陽叙也柱十有二配律呂也四絃法四時也以方俗語之曰琵琶取其易傳於外國也風俗通曰以手琵琶因

以為名釋名曰推手前曰批引手却曰把杜摯曰秦苦
長城之役百姓絃鼗而鼓之並未詳孰實其器不列四
廟今清樂奏琵琶俗謂之秦漢子圓體修頸而小疑是
絃鼗之遺制傳玄云體圓柄直柱有十二其他皆充上
銳下曲項形制稍大本出胡中俗傳是漢制兼似兩制
者謂之秦漢蓋謂通用秦漢之法梁史稱侯景之害簡
文也使太樂令彭雋齎曲項琵琶就帝飲則南朝似無
曲項者五絃琵琶稍小蓋北國所出舊彈琵琶皆用木

撥彈之大唐貞觀中始有手彈之法今所謂搗琵琶者是也風俗通所謂以手琵琶之知乃非用撥之義豈上代固有搗之者

手彈法近代已廢自裴洛兒始為之

○阮咸亦秦琵琶也

而項長過於今制列十有三柱武太后時蜀人蒯朗於古墓中得之晉竹林七賢圖阮咸所彈與此類同因謂之阮咸咸世實以善琵琶知音律稱

蒯朗初得銅者時莫有識之太常少

卿元行冲曰此阮咸所造乃令匠人改以木為之聲甚清雅

○瑩侯漢武帝使樂人

侯調所造以祀太一或云侯暉所作其聲坎坎應節謂

之坎侯聲訛為箜篌者因樂工人姓耳古施郊廟雅樂近代專用於楚聲宋孝武大明中吳興沈懷遠被徙廣州造繞梁其器與箜篌相似懷遠亡其器亦絕或謂師延靡靡樂非也舊說一依琴制今按其形似瑟而小絃用撥彈之如琵琶也○豎箜篌胡樂也漢靈帝好之體曲而長二十二絃豎抱於懷中用兩手齊奏俗謂之擘箜篌鳳首箜篌篌頸有軫

木六 祝歌 春牘 拍板

祝啟不知誰所造樂記曰聖人為柷敔

謂柷啟也柷苦江反敔苦八反

祝如漆桶方二尺四寸深一尺八寸中有椎柄連底旁開孔內手於中擊之以舉樂。啟狀如伏虎背上有二十七鉏鋤碎竹以擊其首而逆戛之以止樂。○春牘周

制春官笙師掌教春牘應雅以教祓樂虛中如筒無底

舉

鄭衆曰春牘以竹大五六寸長七尺短者一二尺其端有兩空

出以節之

○春杵亦謂之頤相助也以節樂也或謂

梁孝王築睢陽城擊鼓為下杵之節睢陽操用春牘後

代因之。○拍板長濶如手重十餘枚以韋連之擊以代

拊拊擊其節也情發於中手拊足蹈拊者因其聲以節舞龜茲伎人彈指為歌舞之節亦拊之意也

匏七笙 竽

笙世本云隨作笙未知其何代人也禮記曰女媧之笙
簧說文曰笙正月之音物生故謂之笙十三簧象鳳之
身列管匏內施簧管端宮管在中央三十六簧曰竽宮
管在左旁十九簧至十三簧曰笙其他皆相似也大笙
謂之簧小笙謂之和詩傳云吹笙則簧鼓矣蓋笙中之

簧也周禮春官大司樂笙師掌教敎竽笙

鄭衆云竽三十六簧笙十

三簧教教之視
瞭也敎音吹

爾雅曰笙十九簧著曰巢十三簧著曰

和漢章帝時零陵文學奚景於舜祠得笙白玉管後代

易之以竹耳釋名曰笙生也象物貫地而生竹母曰匏

以匏為之故曰匏○竽亦笙也今之笙竽以木代匏而

漆殊愈於匏荆梁之南尚仍古制

南蠻笙則是匏其聲甚劣

竹八

簫

管

篪

七星

簫

笛

篳篥

筚

簫世本曰舜所造其形參差象鳳翼十管長二尺爾雅

曰編二十三管長一尺四寸者曰筥

音言

十六管長尺二

寸者曰筭

音交

凡簫一名籟前代有洞簫今無其器蔡邕

曰簫編竹有底大者二十三管小者十六管長則濁短

則清以蜜蠟實其底而增減之則和然則邕時無洞簫

矣○管爾雅曰長尺圍寸併漆之有底大者曰箛

音嬌

者曰篴

乃結反

小者曰篴

音妙

古者以玉為管舜時西王母

獻白琯是也月令均琴瑟管簫蔡邕章句曰管者形長

尺圍寸有孔無底其器今亡說文曰管如篴六孔十二

月之音詩云嘒嘒管聲周禮孤竹之管於圓丘奏之孫

竹之管於方丘奏之陰竹之管於宗廟奏之

鄭玄云孤竹竹特生

者也孫竹竹枝根之未生者陰竹生於山北者

○箎世本云暴辛公所造舊志

云一曰管非也雖不知暴辛公何代人而非舜前人明

矣舜時西王母獻琯則是已有此器辛公安得造箎乎

爾雅曰大箎謂之沂

音銀

箎以竹為之長尺四寸圍三寸

一孔上出寸三分名曰翹橫吹之小者尺二寸廣雅云

八孔今有胡吹非雅器也

蔡邕月令章句云箎竹也六孔有距橫吹之詩云仲氏吹

箎

○七星不知誰所作其長盈尋○簫不知誰所作按

禮記葦簫伊耆氏之樂則伊耆氏已有簫矣周禮有簫師掌教國子秋冬吹簫歷代文舞之樂所執羽簫是也

詩所謂左手執簫右手秉翟爾雅云簫如笛三孔而短

小廣雅云七孔大者曰產中者曰仲小者曰箛

中音丁仲反箛

音握○笛馬融長笛賦此器起於近代出於羌中京房備

其五音又稱丘仲工其事不言所造風俗通曰丘仲造笛長尺四寸七孔武帝時人後更有羌笛二說不同未

詳孰實今橫笛去甯其加甯者謂之義甯笛

橫笛小吹
篳也漢靈

帝好胡笛宋書云有胡笛小篳出於胡吹即謂此歟胡

吹歌云快馬不須鞭拗折楊柳枝下馬吹橫笛愁殺路

旁兒此歌詞元出於北

○篳篥本名悲篥出於胡中聲

悲

或云儒者相傳胡人吹角以驚
馬一名筚管以蘆為首竹為管

○筚杜摯有筚賦云

李伯陽入西戎所造晉先蠶儀注車駕住吹小篳發吹

大篳篳即筚也古有胡筚漢舊儀笛錄有其曲不記所

出本末○角書記所不載或出羌胡以驚中國馬馬融

又云出吳越

八音之外又有三

一桃皮東夷有卷桃皮似篳篥也。○二貝大蟲也容可數升並吹之以節樂亦出南蠻。○三葉銜葉而嘯其聲

清震橘柚尤善

或云卷蘆葉為之形如笳首也

樂懸

周

漢

魏

宋

梁

隋

大唐

周禮春官大司樂掌凡樂大祭祀宿懸遂以聲展之

聽

其聲具陳次以知完不

小胥正樂懸之位王宮懸諸侯軒懸卿大

夫判懸士特懸辨其聲

樂懸謂鐘磬之屬懸於筍簴者鄭衆云宮懸四面軒懸去其一

而判懸又去其一面特懸又去其一面四面象宮室四面有牆故謂之宮懸軒懸三面其形曲春秋傳曰請曲懸繁縷以朝諸侯之禮玄謂軒懸去南面避王也判懸左右之合又室北面特懸懸之於東方或於階間而已

凡懸鐘磬半為堵全為肆

鐘磬者編懸之二八十六枚而在一簾謂之堵鐘一堵磬

一堵謂之肆半之者謂諸侯卿大夫士也諸侯之卿大夫半天子之卿大夫西懸鐘東懸磬士亦半天子之士懸磬而已鄭衆云以春秋傳曰歌鐘二肆故孔子之堂聞金石之音魏絳之

家有鐘磬之樂○漢丞相田蚡

扶粉反

前庭羅鐘磬置曲

旃光武又賜東海恭王鐘簫之樂即漢代人臣尚有金石樂漢樂歌云高張四懸神來燕饗謂宮懸也漢儀云

高廟撞千石之鐘十枚即上林賦所謂撞千石之鐘立萬石之簾也鐘當十二而此十枚未識其義議者皆言漢代不知用宮懸按漢章和代實用旋宮漢代羣儒備言其義牛弘祖孝孫所由準的知漢代之樂為最備矣後漢則亡矣。魏杜夔修雅樂稍備遭晉喪亂江左金石不具本史云至孝武帝太元中破苻堅獲樂工楊蜀等正四廟樂金石始備。宋文帝元嘉中鍾宗之更調金石十四奚縱之又改之晉及宋齊懸鐘磬大準相似

皆十六架黃鍾之宮北方北面編磬起西其東編鐘衡大於鍾不知何代所作其東鍾太簇之宮東方西面起北蕤賓之宮南方北面起東姑洗之宮西方東面起南所次皆如黃鍾之宮設建鼓於四隅懸內四面各有祝啟諸家著晉史者皆言大元四年四廂金石大備其實樂府止有黃鍾姑洗蕤賓太簇四格而已六律不具何謂四廂備樂之文其義焉在。梁去衡鍾十二鍾各依辰位而應其律每一鍾則設編磬各一簾合三十

六架植建鼓於四隅元正大會備用之。○隋參用儀禮及尚書大傳為宮懸陳布之法北方北向應鍾起西磬次之黃鍾次之林鍾次之大呂次之皆東陳一建鼓在其東東鼓東方西向太簇起北磬次之夾鍾次之姑洗次之皆南陳一建鼓在其南南鼓南方北向中呂起東黃鍾次之蕤賓次之磬次之林鍾次之皆西陳一建鼓在其西西鼓西方東向夷則起南鍾次之南呂次之磬次之無射次之皆北陳一建鼓在其北西鼓大射則徹

北面而加鉦鼓又准儀禮宮懸四面設鐃鐘十二簠各依辰位又甲丙庚壬各設鐘一簠乙丁辛癸位各陳磬一簠共為二十簠其宗廟殿庭郊丘社並同樹建鼓於四隅以象二十四氣依月為均四廂同作蓋取毛詩傳曰四懸皆同之義古者鐃鐘據儀禮擊為節檢而無合曲之義又大射有二鐃皆亂擊焉乃無成曲之理依後周以十二鐃相生擊之聲韻克諧○大唐造蓬萊宮成充庭七十二架武后還東都乃省之皇后庭諸后廟及

郊祭立二十架同舞八佾先聖廟及皇太子朝廟並九
架舞六佾懸間設祝啟各一祝於左啟於右鐸于撫拍
頓相銑鐸次列於路鼓南舞人列於懸皆登歌二架登
於堂上兩楹之前編鐘在東編磬在西登歌工人坐堂
上竹人立堂下殿庭加設鼓吹於四隅燕享陳清樂西
涼樂架對列於左右廂設舞筵於其間舊皇后庭但設
絲管隋大業尚侈始置鐘磬猶不設鐃鐘以鐃磬代武
太后稱制用鐘因而不革開元中大樂曲制凡天子宮

懸太子軒懸之樂鑄鐘十二編鐘十二編磬十二凡三

十有六簋

宗廟與殿庭同郊丘社稷則二簋而別去編鐘磬各二簋

東方西方磬簋

起北鐘簋次之南方北方磬簋起西鐘簋次之鑄鐘在

於編懸之間各依辰位四隅建鼓左祝右啟又設笙竽

笛簫篴塤繫於編鐘之下偶歌琴瑟箏筑繫於編磬之

下其在殿庭前則加鼓吹十二案於建鼓之外羽葆之

鼓大鼓金鐃歌簫笳置於其上馬又設登歌鐘節鼓琴

瑟箏筑於堂上笙笳簫篴塤於堂下

宮懸登歌工人皆介幘朱連裳革帶

烏皮鞋鼓人及階下工人皆武弁朱福衣革帶烏皮鞋若在殿庭如白練襠襦白布襖鼓吹工人亦如之

軒懸之樂去其南面鐃鐘編鐘編磬各三凡九簠設於辰丑申之位三建鼓亦如之餘如宮懸之制凡宮懸軒懸之作奏二舞以為衆樂之容一曰文舞二曰武舞宮懸之舞八佾軒懸之舞六佾文舞之制左執籥右執翟二人執纛以引之

文舞六十四人供郊廟服委貌冠玄纁布大口袴革帶烏皮鞋白布襪其纛纛人衣冠各同文舞謂之九功

武舞之制左執干右

執鉞二人執旌居前二人執鼗二人執鐸四人持金鐃

二人奏之二人執鏡以次之二人執相在左二人執雅

在右

武舞六十四人供郊廟平冕餘同文舞若供殿庭服武弁平巾幘金支緋絲布大袖襖襦甲金飾白

練襪襠錦騰蛇起梁帶豹文大口布袴烏布鞞其執旌人衣冠各同當色舞人餘同工人也武舞謂之七德

凡簨簴飾以崇牙旒蕤樹羽宮懸每架則金五博山軒

懸則金三博山鼓承以花趺覆以華蓋

樂懸橫曰簨豎曰簴飾簨以飛

龍飾趺以飛廉鐘簨以鷖獸磬簴以鷖鳥上則樹羽旁懸旒蕤周制也懸以崇牙殷制也飾以博山後代所加

也

凡樂器之飾天地之神尚赤宗廟及殿庭尚彩東宮

亦用赤凡中宮之樂則以大磬代鐘鼓餘與宮懸之制

同凡磬天地之神用石宗廟及殿庭用玉凡有事於天神用雷鼓雷鼗地神用靈鼗靈鼓宗廟及禘社用路鼗路鼓皆建於宮懸之內凡有大燕會設十部之伎於庭以備華夷一曰燕樂伎有景雲之舞慶善樂之舞破陣樂之舞承天樂之舞二曰清樂伎三曰西涼伎四曰天竺伎五曰高麗伎六曰龜茲伎七曰安國伎八曰疎勒伎九曰高昌伎十曰康國伎

其十部所用工人樂器在清樂及四方樂篇中

每

先奏樂三日大樂令宿設懸於庭其日率工人入居次

協律郎舉麾樂作什麾樂止文舞退武舞進



通典卷一百四十四